

ओं नमः परमात्मने, श्री महागणपतये नमः,
श्री गुरुभ्यो नमः, हरिः ओं
—

कृष्ण यजुर्वेदीय तैत्तिरीय संहिता पद पाठः
(वाक्य सहित)

सप्तमकाण्डे द्वितीयः प्रश्नः

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in

Contents

7 कृष्ण यजुर्वेदीय तैत्तिरीय संहितायां पद पाठे सप्तमं काण्डं 3	
7.2 सप्तमकाण्डे द्वितीयः प्रश्नः – षड्रात्राद्यानां निरूपणं.....	3

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

7 कृष्ण यजुर्वेदीय तैत्तिरीय संहितायां पद पाठे सप्तमं काण्डं

7.2 सप्तमकाण्डे द्वितीयः प्रश्नः – षड् रात्राद्यानां निरूपणं

7.2.1.1

सा॒ध्या वै दे॒वाः सु॒वर्ग॑का॒मा ए॒त॒ षड्-रा॒त्रम॑प॒श्यन् तमा॑ऽह॒रन्
तेना॑यजन्त॒ ततो॑ वै ते सु॒वर्गं लो॒कमा॑यन् य एवं वि॒द्वा॒ऽसः
षड्-रा॒त्रमा॑सते सु॒वर्गमे॒व लो॒कं य॑न्ति दे॒वस॒त्रं वै षड्-रा॒त्रः
प्रत्य॑क्ष॒ ह्ये॒तानि॑ पृ॒ष्ठानि॑ य एवं वि॒द्वा॒ऽसः षड्-रा॒त्रमा॑सते
सा॒क्षादे॒व दे॒वता॑ अ॒भ्यारो॑हन्ति षड्-रा॒त्रो भ॑वति षड् वा ऋ॒तवः
षट् पृ॒ष्ठानि॑ – [] 1

7.2.1.1 - Padam

सा॒ध्याः । वै । दे॒वाः । सु॒वर्ग॑का॒मा इति॑ सु॒वर्ग – का॒माः । ए॒तम् ।
षड्-रा॒त्रमि॑ति षट् – रा॒त्रम् । अ॒प॒श्यन् । तम् । ए॒ति । अ॒ह॒रन् ।

तेन॑ । अ॒यज॑न्त । ततः॑ । वै । ते । सु॒वर्ग॑मिति सुवः-गम् । लो॒कम् ।
आ॒यन् । ये । ए॒वम् । वि॒द्वाँ॑सः । ष॒ड्रा॒त्रमि॑ति षट् – रा॒त्रम् ।
आ॒सते॑ । सु॒वर्ग॑मिति सुवः – गम् । ए॒व । लो॒कम् । य॒न्ति ।
दे॒वस॑त्रमिति दे॒व – स॒त्रम् । वै । ष॒ड्रा॒त्र इति॑ षट् – रा॒त्रः ।
प्र॒त्यक्ष॑मिति प्र॒ति – अ॒क्षम् । हि । ए॒तानि॑ । पृ॒ष्ठानि॑ । ये । ए॒वम् ।
वि॒द्वाँ॑सः । ष॒ड्रा॒त्रमि॑ति षट् – रा॒त्रम् । आ॒सते॑ । सा॒क्षादि॑ति
स – अ॒क्षात् । ए॒व । दे॒वताः॑ । अ॒भ्यारो॑हन्तीत्यभि – आ॒रोह॑न्ति ।
ष॒ड्रा॒त्र इति॑ षट् – रा॒त्रः । भ॒वति॑ । षट् । वै । ऋ॒तवः॑ । षट् ।
पृ॒ष्ठानि॑ । 1 (50)

7.2.1.2

पृ॒ष्ठैरे॒वर्तू॑न-न्वा॒रोह॑न्त्य॒तुभिः॑ सँव॒थ्स॒रं ते सँव॒थ्स॒र ए॒व प्र॒ति ति॑ष्ठन्ति
बृ॒हद्-र॑थन्त॒राभ्यां॑ य॒न्तीयं॑ वा॒व र॑थन्त॒रम॒सौ बृ॒हदा॑भ्यामे॒व य॒न्त्यथो॑
अ॒नयो॑रे॒व प्र॒ति ति॑ष्ठन्त्ये॒ते वै य॒ज्ञस्या॑ञ्ज॒साय॑नी स्मृ॒ती ता॑भ्यामे॒व
सु॒वर्गं॑ लो॒कं य॑न्ति त्रि॒वृ॒दग्नि॑ष्टो॒मो भ॒वति॑ ते॒ज ए॒वाव॑ रु॒न्धते॑

पञ्चद॒शो॑ भव॒तीन्द्रि॒यमे॒वाव॑ रुन्धते सप्तद॒शो- [] 2

7.2.1.2 - Padam

पृ॒ष्ठैः । ए॒व । ऋ॒तून् । अ॒न्वारो॑ह॒न्तीत्य॑नु – आ॒रोह॑न्ति । ऋ॒तुभि॑रित्यृ॒तु
-भिः । सँ॒व॒थ्स॒रमि॑ति सं – व॒थ्स॒रम् । ते । सँ॒व॒थ्स॒र इति॑
सं – व॒थ्स॒रे । ए॒व । प्र॒तीति॑ । ति॒ष्ठन्ति॑ । बृ॒ह॒द्र॒थ॒न्तरा॑भ्यामि॒ति
बृ॒ह॒त् – र॒थ॒न्तरा॑भ्याम् । य॒न्ति । इ॒यम् । वा॒व । र॒थ॒न्तरमि॑ति
र॒थं – त॒रम् । अ॒सौ । बृ॒ह॒त् । आ॒भ्याम् । ए॒व । य॒न्ति । अ॒थो इति॑ ।
अ॒न॒योः । ए॒व । प्र॒तीति॑ । ति॒ष्ठन्ति॑ । ए॒ते इति॑ । वै । य॒ज्ञस्य॑ ।
अ॒ज्ज॒साय॑नी इत्य॒ज्ज॒सा – अ॒यनी॑ । स्रु॒ती इति॑ । ता॒भ्याम् । ए॒व ।
सु॒व॒र्गमि॑ति सु॒वः – ग॒म् । लो॒कम् । य॒न्ति । त्रि॒वृदि॑ति त्रि – वृ॒त् ।
अ॒ग्नि॒ष्टोम॑ इत्य॒ग्नि – स्तो॒मः । भ॒वति॑ । ते॒जः । ए॒व । अ॒वेति॑ ।
रुन्ध॑ते । पञ्च॒द॒श इति॑ पञ्च – द॒शः । भ॒वति॑ । इन्द्रि॒यम् । ए॒व ।
अ॒वेति॑ । रुन्ध॑ते । सप्त॒द॒श इति॑ सप्त – द॒शः । 2 (50)

7.2.1.3

भव-त्यन्नाद्यस्या-वरुद्ध्या अथो प्रैव तेन जायन्त एकविंशो
भवति प्रतिष्ठित्या अथो रुचमेवाऽऽत्मन् दधते त्रिणवो भवति विजित्यै
त्रयस्त्रिंशो भवति प्रतिष्ठित्यै सदोहविर्द्धानिन एतेन षड्-रात्रेण
यजेरन्नाश्वत्थी हविर्द्धानं चाऽऽग्नीध्रं च भवतस्तद्धि सुवर्ग्यं
चक्रीवती भवतः सुवर्गस्य लोकस्य समष्ट्या उलूखलबुध्नो यूपो
भवति प्रतिष्ठित्यै प्राञ्चो यान्ति प्राडिव हि सुवर्गो - [] 3

7.2.1.3 - Padam

भवति । अन्नाद्यस्येत्यन्न - अद्यस्य । अवरुद्ध्या इत्यव - रुद्ध्यै ।
अथो इति । प्रैति । एव । तेन । जायन्ते । एकविंश
इत्येक - विंशः । भवति । प्रतिष्ठित्या इति प्रति - स्थित्यै ।
अथो इति । रुचम् । एव । आत्मन् । दधते । त्रिणव इति
त्रि - नवः । भवति । विजित्या इति वि - जित्यै । त्रयस्त्रिंश
इति त्रयः - त्रिंशः । भवति । प्रतिष्ठित्या इति प्रति - स्थित्यै ।
सदोहविर्द्धानिन इति सदः - हविर्द्धानिनः । एतेन ।

ष॒ड्रा॒त्रेणे॑ति॒ षट् – रा॒त्रेण॑ । य॒जेर॑न् । आ॒श्वत्थी॑ इति॒ । ह॒वि॒र्धान॑मिति॒
ह॒विः – धान॑म् । च । आ॒ग्नी॒ध्रमि॒त्याग्नि॑ – इ॒ध्रम् । च । भ॒वतः॑ ।
तत् । हि । सु॒व॒र्ग्यमि॒ति सु॒वः – ग्य॑म् । च॒क्री॑वती इति॒ । भ॒वतः॑ ।
सु॒व॒र्गस्ये॑ति॒ सु॒वः – ग॒स्य । लो॒कस्य॑ । स॒म॒ष्ट्या इति॒ सं-अ॒ष्ट्यै ।
उ॒लू॒खल॑बु॒ध्न इत्यु॒लू॒खल॑ – बु॒ध्नः । यू॒पः । भ॒वति॑ । प्र॒ति॒ष्ठित्या॑ इति॒
प्र॒ति – स्थि॑त्यै । प्रा॒ञ्चः । या॒न्ति । प्रा॒ङ् । इ॒व । हि ।
सु॒व॒र्ग इति॒ सु॒वः – गः । 3 (50)

7.2.1.4

लो॒कः सर॑स्वत्या या॒न्त्येष॑ वै दे॒व॒यानः॑ पन्था॒स्त-मे॒वा-
न्वा॒रो॒हन्त्या॑क्रो॒शन्तो॑ या॒न्त्यव॑र्ति-मे॒वान्य॑स्मिन् प्र॒तिष॑ज्य प्र॒तिष्ठां॑
ग॒च्छन्ति॑ य॒दा द॒श श॒तं कु॑र्वन्त्यथै॒क-मु॒त्थान॑ꣳ श॒तायुः॑ पु॒रुषः॑
श॒तेन्द्रि॑य आयु॒ष्येवेन्द्रि॑ये प्र॒ति ति॑ष्ठन्ति य॒दा श॒तꣳ स॒हस्रं॑
कु॑र्वन्त्यथै॒क-मु॒त्थान॑ꣳ स॒हस्र॑संमि॒तो वा अ॒सौ लो॒कोऽमु॒मेव॑

लो॒क॒म॒भि॒ ज॒य॒न्ति॑ य॒दै () – षां॑ प्र॒मी॒ये॒त॑ य॒दा वा जी॒ये॒र॒न्न॒थै॒क॑ –
मु॒त्था॒नं॑ तद्धि ती॒र्थं॑ । 4

7.2.1.4 - Padam

लो॒कः॑ । सर॒स्व॒त्या । या॒न्ति॑ । ए॒षः॑ । वै । दे॒व॒या॒न॒ इति॑ दे॒व॒-या॒नः॑ ।
प॒न्थाः॑ । तम् । ए॒व । अ॒न्वा॒रो॒ह॒न्ती॒त्य॒नु – आ॒रो॒ह॒न्ति॑ ।
आ॒क्रो॒श॒न्त॑ इ॒त्या – क्रो॒श॒न्तः॑ । या॒न्ति॑ । अ॒व॒र्ति॒म् । ए॒व ।
अ॒न्य॒स्मिन् । प्र॒ति॒ष॒ज्ये॒ति॑ प्र॒ति – स॒ज्य॑ । प्र॒ति॒ष्ठा॒मि॒ति॑ प्र॒ति-स्था॑म् ।
ग॒च्छ॒न्ति॑ । य॒दा । द॒श । श॒तम् । कु॒र्व॒न्ति॑ । अ॒थ । ए॒कम्॑ ।
उ॒त्था॒न॒मि॒त्यु॒त्- स्था॒नम्॑ । श॒ता॒यु॒रि॒ति॑ श॒त – आ॒युः॑ । पु॒रु॒षः॑ ।
श॒ते॒न्द्रि॒य॒ इति॑ श॒त-इ॒न्द्रि॒यः॑ । आ॒यु॒षि॑ । ए॒व । इ॒न्द्रि॒ये॑ । प्र॒ती॒ति॑ ।
ति॒ष्ठ॒न्ति॑ । य॒दा । श॒तम् । स॒ह॒स्र॑म् । कु॒र्व॒न्ति॑ । अ॒थ । ए॒कम्॑ । उ॒
त्था॒न॒मि॒त्यु॒त्- स्था॒नम्॑ । स॒ह॒स्र॑सं॒मि॒ति॑ इति॑ स॒ह॒स्र॑-स॒म्मि॒तः॑ । वै ।
अ॒सौ । लो॒कः॑ । अ॒मु॒म् । ए॒व । लो॒कम्॑ । अ॒भी॒ति॑ । ज॒य॒न्ति॑ ।
य॒दा () । ए॒षाम्॑ । प्र॒मी॒ये॒ते॒ति॑ प्र – मी॒ये॒त॑ । य॒दा । वा । जी॒ये॒र॒न् ।

अथ॑ । एक॑म् । उत्थान॑मित्युत् – स्थान॑म् । तत् । हि । तीर्थ॑म् । 4

(61)

(पृ॒ष्ठानि॑-सप्त॒दशः-सु॒वर्गो-ज॑यन्ति यदै॑ – का॒दश॑ च) (A1)

7.2.2.1

कु॒सु॒रु॒बि॒न्द॒ औ॒द्दाल॑किरकामयत पशु॑मान्त् स्यामि॒ति स ए॒तम्
स॒प्त॒रा॒त्रमा॑हरत् तेनायजत तेन॑ वै स यावन्तो॑ ग्राम्याः
प॒शव॑स्तानवा-रुन्ध॑ य एवं वि॒द्वान्त् स॒प्त॒रा॒त्रेण॑ यजते॑ यावन्त
ए॒व ग्राम्याः॑ प॒शव॑स्ताने॒वाव रुन्धे॑ स॒प्त॒रा॒त्रो भ॑वति सप्त॑ ग्राम्याः
प॒शवः॑ स॒प्ताऽऽ*र॑ण्याः सप्त॑ छन्दा॒-स्यु॒भय॑स्या-वरु॒द्ध्यै
त्रि॒वृ॒द॒ग्नि॒ष्टोमो॑ भवति तेज॑ – [] 5

7.2.2.1 - Padam

कु॒सु॒रु॒बि॒न्दः॑ । औ॒द्दाल॑किरित्यौत् – दाल॑किः । अ॒काम॑यत ।
प॒शु॒मा॒नि॒ति प॒शु – मान् । स्याम् । इति॑ । सः । ए॒तम् ।
स॒प्त॒रा॒त्रमि॑ति सप्त-रा॒त्रम् । ए॒ति । अ॒हर॑त् । तेन॑ । अ॒यज॑त । तेन॑ ।
वै । सः । याव॑न्तः । ग्राम्याः । प॒शवः॑ । तान् । अ॒वे॒ति । अ॒रु॒न्ध ।

यः । ए॒वम् । वि॒द्वान् । स॒प्त॒रा॒त्रे॒णे॒ति॒ स॒प्त – रा॒त्रे॒ण॒ । य॒ज॒ते॒ ।
या॒व॒न्तः॒ । ए॒व । ग्रा॒म्याः॒ । प॒श॒वः॒ । ता॒न् । ए॒व । अ॒वे॒ति॒ । रु॒न्धे॒ ।
स॒प्त॒रा॒त्र इति॑ स॒प्त-रा॒त्रः॒ । भ॒व॒ति॒ । स॒प्त । ग्रा॒म्याः॒ । प॒श॒वः॒ ।
स॒प्त । आ॒र॒ण्याः॒ । स॒प्त । छ॒न्दा॒ꣳसि॒ । उ॒भय॑स्य । अ॒वरु॑द्ध्य
इ॒त्य॒व-रु॑द्ध्यै । त्रि॒वृ॒दि॒ति॒ त्रि – वृ॒त् । अ॒ग्नि॒ष्टो॒म इ॒त्य॒ग्नि-स्तो॑मः ।
भ॒व॒ति॒ । ते॒जः॒ । 5 (50)

7.2.2.2

ए॒वा॒व रु॒न्धे प॒ञ्च॒द॒शो भ॑वतीन्द्रि॒यमे॒वा॒व रु॒न्धे स॒प्त॒द॒शो
भ॒व॒त्य॒न्ना॒द्य॒स्या व॑रुद्ध्य॒ अथो॑ प्रै॒व ते॒न जा॑यत॒ एक॒वि॒ꣳशो भ॑वति
प्र॒ति॒ष्ठि॒त्या अथो॑ रु॒चमे॒वाऽऽ*त्म॑न् ध॒त्ते त्रि॒ण॒वो भ॑वति वि॒जि॒त्यै
प॒ञ्च॒वि॒ꣳशो-ऽग्नि॒ष्टो॒मो भ॑वति प्र॒जा॒प॒ते॒रा॒प्त्यै॑ म॒हा॒व्र॒त॒वा-न॑न्नाद्य॒स्या
व॑रुद्ध्यै वि॒श्व॒जि॒त् सर्व॑पृ॒ष्ठो ऽति॑रा॒त्रो भ॑वति सर्व॑स्या॒भि॒जि॒त्यै यत्
प्र॒त्य॒क्षं पूर्वे॑ष्व॒हः सु॑ पृ॒ष्ठान्यु॑पे॒युः प्र॒त्य॒क्षं -[] 6

7.2.2.2 - Padam

ए॒व । अ॒वेति॑ । रु॒न्धे । प॒ञ्चद॑श इति॑ प॒ञ्च – द॒शः । भ॒वति॑ ।
इ॒न्द्रि॒यम् । ए॒व । अ॒वेति॑ । रु॒न्धे । स॒प्तद॑श इति॑ स॒प्त – द॒शः ।
भ॒वति॑ । अ॒न्नाद्य॑स्येत्यन्न – अद्य॑स्य । अ॒वरु॑द्ध्य॒या इत्य॑व – रु॒द्ध्यै ।
अथो॑ इति॑ । प्रेति॑ । ए॒व । तेन॑ । जा॒यते॑ । ए॒कवि॑ंश इत्ये॒क-
वि॑ंशः । भ॒वति॑ । प्र॒तिष्ठि॑त्या इति॑ प्र॒ति – स्थि॒त्यै । अथो॑ इति॑ ।
रु॒चम् । ए॒व । आ॒त्मन् । ध॒त्ते । त्रि॒णव॑ इति॑ त्रि – न॒वः । भ॒वति॑ ।
वि॒जित्या॑ इति॑ वि – जि॒त्यै । प॒ञ्चवि॑ंश इति॑ प॒ञ्च – वि॑ंशः ।
अ॒ग्नि॒ष्टोम॑ इत्य॒ग्नि – स्तो॒मः । भ॒वति॑ । प्र॒जाप॑तेरिति॑ प्र॒जा-प॑तेः ।
आ॒प्त्यै । म॒हाव्र॑त॒वानिति॑ म॒हाव्र॑त – वा॒न् । अ॒न्नाद्य॑स्येत्यन्न-अद्य॑स्य ।
अ॒वरु॑द्ध्य॒या इत्य॑व – रु॒द्ध्यै । वि॒श्वजि॑दिति॑ वि॒श्व – जि॒त् । स॒र्वपृ॑ष्ठ
इति॑ स॒र्व – पृ॑ष्ठः । अ॒तिरा॑त्र इत्य॒ति – रा॑त्रः । भ॒वति॑ । स॒र्वस्य॑ ।
अ॒भिजि॑त्या इत्य॒भि – जि॒त्यै । यत् । प्र॒त्यक्ष॑मिति॑ प्र॒ति – अ॒क्षम् ।
पूर्वे॑षु । अ॒हस्स्वि॑त्य॒हः – सु॒ । पृ॒ष्ठानि॑ । उ॒पेयु॑रित्यु॒प – इ॒युः ।

प्रत्यक्षमिति॑ प्रति॑ – अक्षम्॑ । 6 (50)

7.2.2.3

वि॒श्वजि॑ति॒ यथा॑ दु॒ग्धा-मु॒पसी॑दत्ये॒वमु॒त्तम॑-महः॑ स्यान्नै॒करा॑त्रश्चन
स्याद् बृ॒हद्-रथ॑न्तरे॒ पूर्वे॑ष्वहः॒ सूप॑ यन्ती॒यं वा॑व रथ॑न्तरमसौ
बृ॒हदा॑भ्यामे॒व न॑ यन्त्यथो॒ अनयो॑रे॒व प्रति॑ तिष्ठन्ति॒ यत् प्रत्यक्षं॑
वि॒श्वजि॑ति॒ पृ॒ष्ठान्यु॑पयन्ति॒ यथा॑ प्र॒त्तां दु॒हे तादृ॑गे॒व तत् । 7

7.2.2.3 - Padam

वि॒श्वजि॑तीति॒ विश्व॑ – जि॒ति । यथा॑ । दु॒ग्धाम् । उ॒पसी॑दतीत्यु॒प-
सी॑दति । ए॒वम् । उ॒त्तम॑मित्युत् – त॒मम् । अ॒हः । स्यात् । न ।
ए॒क॒रा॒त्र इत्ये॑क – रा॒त्रः । च॒न । स्यात् । बृ॒हद्-रथ॑न्तरे इति॑ बृ॒हत्-
रथ॑न्तरे । पूर्वे॑षु । अ॒हस्स्वि॒त्यहः॑ – सु॒ । उ॒पेति॑ । य॒न्ति । इ॒यम् ।
वा॒व । रथ॑न्तरमिति॑ रथं – त॒रम् । अ॒सौ । बृ॒हत् । आ॒भ्याम् । ए॒व ।
न । य॒न्ति । अथो॑ इति॑ । अ॒नयोः॑ । ए॒व । प्र॒तीति॑ । तिष्ठ॑न्ति । यत् ।
प्रत्यक्ष॑मिति॑ प्रति॑ – अक्षम्॑ । वि॒श्वजि॑तीति॒ विश्व॑ – जि॒ति । पृ॒ष्ठानि॑ ।
उ॒पय॑न्तीत्यु॒प – य॒न्ति । यथा॑ । प्र॒त्ताम् । दु॒हे । तादृ॑क् । ए॒व ।

तत् । 7 (42) (तेज - उपेयुः प्रत्यक्षं - द्विचत्वारिंशच्च) (A2)

7.2.3.1

बृहस्पतिरकामयत ब्रह्मवर्चसी स्यामिति स एत-मष्टरात्र-मपश्यत्
तमाऽहरत् तेनायजत ततो वै स ब्रह्मवर्चस्यभवद्य एवं विद्वानष्टरात्रेण
यजते ब्रह्मवर्चस्येव भवत्यष्टरात्रो भवत्यष्टाक्षरा गायत्री गायत्री
ब्रह्मवर्चसं गायत्रियैव ब्रह्मवर्चसमव रुन्धेऽष्टरात्रो भवति चतस्रो
वै दिशश्चतस्रो ऽवान्तरदिशा दिग्भ्य एव ब्रह्मवर्चसमव रुन्धे-[] 8

7.2.3.1 - Padam

बृहस्पतिः । अकामयत । ब्रह्मवर्चसीति ब्रह्म - वर्चसी । स्याम् ।
इति । सः । एतम् । अष्टरात्रमित्यष्ट-रात्रम् । अपश्यत् । तम् । एति ।
अहरत् । तेन । अयजत । ततः । वै । सः । ब्रह्मवर्चसीति ब्रह्म-
वर्चसी । अभवत् । यः । एवम् । विद्वान् । अष्टरात्रेणेत्यष्ट - रात्रेण ।
यजते । ब्रह्मवर्चसीति ब्रह्म - वर्चसी । एव । भवति । अष्टरात्र
इत्यष्ट - रात्रः । भवति । अष्टाक्षरेत्यष्टा-अक्षरा । गायत्री । गायत्री ।
ब्रह्मवर्चसमिति ब्रह्म - वर्चसम् । गायत्रिया । एव ।

ब्रह्मवर्चसमिति ब्रह्म – वर्चसम् । अवेति । रुन्धे ।

अष्टरात्र इत्यष्ट-रात्रः । भवति । चतस्रः । वै । दिशः । चतस्रः ।

अवान्तरदिशा इत्यवान्तर-दिशाः । दिग्भ्य इति दिक् – भ्यः । एव ।

ब्रह्मवर्चसमिति ब्रह्म – वर्चसम् । अवेति । रुन्धे । 8 (50)

7.2.3.2

त्रिवृदग्निष्टोमो भवति तेज एवाव रुन्धे पञ्चदशो भवतीन्द्रियमेवाव

रुन्धे सप्तदशो भवत्यन्नाद्यस्या-वरुद्ध्या अथो प्रैव तेन जायत

एकविंशो भवति प्रतिष्ठित्या अथो रुचमेवाऽऽत्मन् धत्ते त्रिणवो

भवति विजित्यै त्रयस्त्रिंशो भवति प्रतिष्ठित्यै पञ्चविंशोऽग्निष्टोमो

भवति प्रजापतेराप्त्यै महाव्रतवानन्नाद्यस्या वरुद्ध्यै विश्वजिथ्

सर्वपृष्ठोऽतिरात्रो भवति सर्वस्याभिजित्यै () । 9

7.2.3.2 - Padam

त्रिवृदिति त्रि – वृत् । अग्निष्टोम इत्यग्नि-स्तोमः । भवति । तेजः ।

एव । अवेति । रुन्धे । पञ्चदश इति पञ्च – दशः । भवति ।

इन्द्रियम् । एव । अवेति । रुन्धे । सप्तदश इति सप्त – दशः ।

भवति । अन्नाद्यस्येत्यन्न – अद्यस्य । अवरुद्ध्या इत्यव – रुध्यै ।
 अथो इति । प्रेति । एव । तेन । जायते । एकविंश इत्येक-
 विंशः । भवति । प्रतिष्ठित्या इति प्रति – स्थित्यै । अथो इति ।
 रुचम् । एव । आत्मन् । धत्ते । त्रिणव इति त्रि – नवः । भवति ।
 विजित्या इति वि – जित्यै । त्रयस्त्रिंश इति त्रयः त्रिंशः ।
 भवति । प्रतिष्ठित्या इति प्रति – स्थित्यै । पञ्चविंश इति
 पञ्च – विंशः । अग्निष्टोम इत्यग्नि – स्तोमः । भवति ।
 प्रजापतेरिति प्रजा-पतेः । आप्त्यै । महाव्रतवानिति महाव्रत-वान् ।
 अन्नाद्यस्येत्यन्न – अद्यस्य । अवरुद्ध्या इत्यव – रुध्यै ।
 विश्वजिदिति विश्व – जित् । सर्वपृष्ठ इति सर्व – पृष्ठः ।
 अतिरात्र इत्यति – रात्रः । भवति । सर्वस्य । अभिजित्या इत्यभि-
 - जित्यै () । 9 (50) (दिग्भ्य एव ब्रह्मवर्चसमव रुन्धे -
 ऽभिजित्यै) (A3)

7.2.4.1

प्रजापतिः प्रजा असृजत ताः सृष्टाः क्षुधं न्यायन्त्स एतं नवरात्रपश्यत्
तमाऽहरत् तेनायजत ततो वै प्रजाभ्योऽकल्पत यर्हि प्रजाः क्षुधं
निगच्छेयुस्तरहि नवरात्रेण यजेतेमे हि वा एतासां लोका अक्लृप्ता
अथैताः क्षुधं नि गच्छन्तीमानेवाऽऽभ्यो लोकान् कल्पयति तान्
कल्पमानान् प्रजाभ्योऽनु कल्पते कल्पन्ते – [] 10

7.2.4.1 - Padam

प्रजापतिरिति प्रजा – पतिः । प्रजा इति प्र-जाः । असृजत । ताः ।
सृष्टाः । क्षुधम् । नीति । आयन् । सः । एतम् । नवरात्रमिति
नव – रात्रम् । अपश्यत् । तम् । एति । अहरत् । तेन । अयजत ।
ततः । वै । प्रजाभ्य इति प्र – जाभ्यः । अकल्पत । यर्हि । प्रजा
इति प्र – जाः । क्षुधम् । निगच्छेयुरिति नि – गच्छेयुः । तरहि ।
नवरात्रेणेति नव – रात्रेण । यजेत । इमे । हि । वै । एतासाम् ।
लोकाः । अक्लृप्ताः । अथ । एताः । क्षुधम् । नीति । गच्छन्ति ।

इ॒मान् । ए॒व । आ॒भ्यः । लो॒कान् । क॒ल्प॒य॒ति । तान् । क॒ल्प॒मा॒नान् ।
प्र॒जा॒भ्य इति॑ प्र – जा॒भ्यः । अ॒न्वि॒ति । क॒ल्प॒ते । क॒ल्प॒न्ते । 10 (50)

7.2.4.2

ऽस्मा॑ इ॒मे लो॒का ऊ॒र्जं प्र॒जासु॑ द॒धाति॑ त्रि॒रात्रे॑णै॒वेमं॑ लो॒कं क॒ल्प॒य॒ति
त्रि॒रात्रे॑णा॒न्तरि॑क्षं त्रि॒रात्रे॑णामुं लो॒कं य॒था गु॒णे गु॒णम॒न्वस्य॑त्ये॒वमे॒व
त॒ल्लो॒के लो॒कम॒न्वस्य॑ति धृ॒त्या अ॒शि॒थि॒लं भा॒वाय॑ ज्यो॒तिर्गौ॑रायु॒रिति॑
ज्ञा॒ताः स्तो॒मा भव॑न्ती॒यं वा॒व ज्यो॑ति॒रन्त॑रि॒क्षं गौ॒रसा॑वायु॒रेष्वे॒व लो॒केषु॑
प्र॒ति ति॑ष्ठन्ति॒ ज्ञा॒त्रं प्र॒जानां॑ – [] 11

7.2.4.2 - Padam

अ॒स्मै । इ॒मे । लो॒काः । ऊ॒र्जम् । प्र॒जास्वि॑ति प्र – जा॒सु । द॒धाति॑ ।
त्रि॒रात्रे॑णेति॑ त्रि – रा॒त्रेण॑ । ए॒व । इ॒मम् । लो॒कम् । क॒ल्प॒य॒ति ।
त्रि॒रात्रे॑णेति॑ त्रि – रा॒त्रेण॑ । अ॒न्त॑रि॒क्षम् । त्रि॒रात्रे॑णेति॑ त्रि – रा॒त्रेण॑ ।
अ॒मुम् । लो॒कम् । य॒था । गु॒णे । गु॒णम् । अ॒न्वस्य॑तीत्यनु॒-अस्य॑ति ।
ए॒वम् । ए॒व । तत् । लो॒के । लो॒कम् । अ॒न्वि॒ति । अ॒स्य॑ति । धृ॒त्यै ।
अ॒शि॒थि॒लं भा॒वाये॑त्य॒शि॒थि॒लं – भा॒वाय॑ । ज्यो॒तिः । गौः । आ॒युः ।

इति॑ । ज्ञा॒ताः । स्तो॒माः॑ । भव॑न्ति । इ॒यम् । वाव॑ । ज्यो॒तिः॑ ।
अ॒न्तरि॑क्षम् । गौः । अ॒सौ । आ॒युः । ए॒षु । ए॒व । लो॒केषु॑ । प्रती॑ति ।
तिष्ठ॑न्ति । ज्ञा॒त्रम् । प्र॒जाना॑मिति प्र – जाना॑म् । 11 (50)

7.2.4.3

गच्छ॑ति नव॒रात्रो॑ भव॒त्यभि॑पूर्वमे॒वाऽस्मिन्॑ तेजो॑ दधा॒ति यो॑ ज्यो॒गामया॑वी
स्या॒त् स नव॒रात्रेण॑ यजे॒त प्रा॒णा हि॒ वा ए॒तस्या॑ धृ॒ता अथै॑तस्य
ज्यो॒गामय॑ति प्रा॒णाने॒वास्मिन्॑ दा॒धारो॒त यदी॑तासु॒र्भव॑ति जी॒वत्ये॒व । 12

7.2.4.3 - Padam

गच्छ॑ति । नव॒रात्र इति॑ नव – रात्रः । भव॑ति । अ॒भिपूर्व॑मित्य॒भि-
पूर्व॑म् । ए॒व । अ॒स्मिन् । तेजः॑ । दधा॒ति । यः । ज्यो॒गामया॑वीति
ज्योक् – आ॒मया॑वी । स्या॒त् । सः । नव॒रात्रेणे॑ति नव – रात्रेण॑ ।
यजे॒त । प्रा॒णा इति॑ प्र-अ॒नाः । हि । वै । ए॒तस्य॑ । अ॒धृताः॑ । अथ॑ ।
ए॒तस्य॑ । ज्योक् । आ॒मय॑ति । प्रा॒णानिति॑ प्र – अ॒नान् । ए॒व ।
अ॒स्मिन् । दा॒धार । उ॒त । यदि॑ । इ॒तासु॑रिती॒त – अ॒सुः । भव॑ति ।
जी॒वति॑ । ए॒व 12 (33) (क॒ल्पन्ते॑-प्र॒जनां॑ – त्रय॑स्त्रि॒ंशच्च॑) (A4)

7.2.5.1

प्रजापतिरकामयत प्र जायेयेति स एतं दशहोतारमपश्यत् तमजुहोत्
तेन दशरात्रमसृजत तेन दशरात्रेण प्रा जायत दशरात्राय दीक्षिष्यमाणो
दशहोतारं जुहुयाद्-दशहोत्रैव दशरात्रं सृजते तेन दशरात्रेण प्र
जायते वैराजो वा एष यज्ञो यद्दशरात्रो य एवं विद्वान्-दशरात्रेण यजते
विराजमेव गच्छति प्राजापत्यो वा एष यज्ञो यद्-दशरात्रो-[] 13

7.2.5.1 - Padam

प्रजापतिरिति प्रजा – पतिः । अकामयत । प्रेति । जायेय । इति ।
सः । एतम् । दशहोतारमिति दश – होतारम् । अपश्यत् । तम् ।
अजुहोत् । तेन । दशरात्रमिति दश – रात्रम् । असृजत । तेन ।
दशरात्रेणेति दश – रात्रेण । प्रेति । अजायत । दशरात्रायेति
दश – रात्राय । दीक्षिष्यमाणः । दशहोतारमिति दश – होतारम् ।
जुहुयात् । दशहोत्रेति दश-होत्रा । एव । दशरात्रमिति दश-रात्रम् ।
सृजते । तेन । दशरात्रेणेति दश-रात्रेण । प्रेति । जायते । वैराजः ।
वै । एषः । यज्ञः । यत् । दशरात्र इति दश – रात्रः । यः । एवम् ।

वि॒द्वान् । द॒श॒रा॒त्रेणे॑ति द॒श – रा॒त्रेण॑ । य॒ज॒ते । वि॒रा॒ज॒मि॒ति॑
वि – रा॒ज॒म् । ए॒व । ग॒च्छ॒ति॑ । प्रा॒जा॒प॒त्य॒ इति॑ प्रा॒जा – प॒त्यः॑ । वै ।
ए॒षः । य॒ज्ञः । य॒त् । द॒श॒रा॒त्र इति॑ द॒श – रा॒त्रः॑ । 13 (50)

7.2.5.2

य॒ ए॒वं वि॒द्वान्-द॒श॒रा॒त्रेण॑ य॒ज॒ते प्रै॒व जा॒य॒त इन्द्रो॑ वै स॒दृङ्
दे॒व॒ताभि॑रासी॒त् स न॑ व्या॒वृ॒त॒म॒गच्छ॑त् स प्र॒जा॒प॒तिमु॑पा॒धा॒व॒त् तस्मा॑
ए॒तं द॒श॒रा॒त्रं प्रा॑यच्छत् त॒माऽह॑रत् तेना॒य॒ज॒त ततो॑ वै सोऽन्या॑भि-
दे॒व॒ताभि॑-व्या॒वृ॒त॒म॒गच्छ॑द्य ए॒वं वि॒द्वान् द॒श॒रा॒त्रेण॑ य॒ज॒ते व्या॒वृ॒त॒मे॒व
पा॒प्म॒ना भ्रातृ॑व्येण गच्छति त्रि॒कु॒द्वा – [] 14

7.2.5.2 - Padam

यः । ए॒वम् । वि॒द्वान् । द॒श॒रा॒त्रेणे॑ति द॒श – रा॒त्रेण॑ । य॒ज॒ते । प्रै॒ति ।
ए॒व । जा॒य॒ते । इन्द्रः॑ । वै । स॒दृङ्ङि॑ति स – दृङ् । दे॒व॒ताभिः॑ ।
आसी॑त् । सः । न । व्या॒वृ॒त॒मि॒ति॑ वि – आ॒वृ॒त॒म् । अ॒गच्छ॑त् । सः ।
प्र॒जा॒प॒तिमि॑ति प्र॒जा – प॒तिम् । उ॒पे॒ति॑ । अ॒धा॒व॒त् । तस्मै॑ । ए॒तम् ।
द॒श॒रा॒त्रमि॑ति द॒श-रा॒त्रम् । प्रै॒ति॑ । अ॒यच्छ॑त् । तम् । ए॒ति॑ । अ॒ह॒रत् ।

तेन॑ । अ॒य॒ज॒त॒ । त॒तः॑ । वै । सः । अ॒न्य॒भिः॑ । दे॒व॒ता॒भिः॑ ।
व्या॒वृ॒त॒मि॒ति॒ वि – आ॒वृ॒त॒म् । अ॒ग॒च्छ॒त् । यः । ए॒वम् । वि॒द्वान् ।
द॒श॒रा॒त्रे॒णे॒ति॒ द॒श – रा॒त्रे॒ण॑ । य॒ज॒ते॑ । व्या॒वृ॒त॒मि॒ति॒ वि – आ॒वृ॒त॒म् ।
ए॒व । पा॒प्म॒ना॑ । भ्रा॒तृ॒व्ये॒ण॑ । ग॒च्छ॒ति॒ । त्रि॒क॒कु॒दि॒ति॒ त्रि – क॒कु॒त् ।
वै । 14 (50)

7.2.5.3

ए॒ष य॒ज्ञो यद्-द॒श॒रा॒त्रः॑ क॒कु॒त् पञ्च॒द॒शः॑ क॒कु॒दे॒क॒वि॒ंशः॑ क॒कु॒त्
त्रय॒स्त्रि॒ंशो॑ य ए॒वं वि॒द्वान् द॒श॒रा॒त्रे॒ण॑ य॒ज॒ते॑ त्रि॒क॒कु॒दे॒व॒ स॒मा॒ना॒नां॑
भ॒व॒ति॒ य॒ज॒मा॒नः॑ पञ्च॒द॒शो॑ य॒ज॒मा॒न॒ ए॒क॒वि॒ंशो॑ य॒ज॒मा॒न॒स्त्रय॒स्त्रि॒ंशः॑
पु॒र इ॒तरा॑ अ॒भि॒च॒र्य॒मा॒णो॑ द॒श॒रा॒त्रे॒ण॑ य॒जे॒त॒ दे॒व॒पु॒रा॑ ए॒व प॒र्यू॒ह॒ते॒ तस्य॑ न
कु॒तश्च॒नो॒पा॒व्या॒धो॑ भ॒व॒ति॒ नै॒न॒म॒भि॒च॒रन्त् स्तृ॒णु॒ते॒ दे॒वा॒सु॒राः॑ सँय॒त्ता
आ॒सन् ते॒ दे॒वा ए॒ता – [] 15

7.2.5.3 - Padam

ए॒षः । य॒ज्ञः । य॒त् । द॒श॒रा॒त्र इ॒ति॒ द॒श – रा॒त्रः॑ । क॒कु॒त् । पञ्च॒द॒श
इ॒ति॒ पञ्च – द॒शः॑ । क॒कु॒त् । ए॒क॒वि॒ंश इ॒त्ये॒क – वि॒ंशः॑ ।

ककुत् । त्रयस्त्रिंश इति त्रयः – त्रिंशः । यः । एवम् । विद्वान् ।
दशरात्रेणेति दश – रात्रेण । यजते । त्रिककुदिति त्रि – ककुत् ।
एव । समानानाम् । भवति । यजमानः । पञ्चदश इति पञ्च-दशः ।
यजमानः । एकविंश इत्येक – विंशः । यजमानः ।
त्रयस्त्रिंश इति त्रयः – त्रिंशः । पुरः । इतराः । अभिचर्यमाण
इत्यभि – चर्यमाणः । दशरात्रेणेति दश – रात्रेण । यजेत ।
देवपुरा इति देव-पुराः । एव । परीति । ऊहते । तस्य । न । कुतः ।
चन । उपाव्याध इत्युप – आव्याधः । भवति । न । एनम् ।
अभिचरन्नित्यभि – चरन् । स्तृणुते । देवासुरा इति देव-असुराः ।
सँयत्ता इति सं – यत्ताः । आसन् । ते । देवाः । एताः । 15 (50)

7.2.5.4

देवपुरा अपश्यन् यद्-दशरात्रस्ताः पर्यूहन्त तेषां न कुतश्चनोपाव्याधो
ऽभवत् ततो देवा अभवन् पराऽसुरा यो भ्रातृव्यवान् स्यात् स
दशरात्रेण यजेत देवपुरा एव पर्यूहते तस्य न कुतश्चनोपाव्याधो

भवति॑ भव॑त्यात्म॒ना परा॑ऽस्य भ्रातृ॑व्यो भवति॑ स्तोमः॒
स्तोम॑स्योप॒स्तिर्भवति॑ भ्रातृ॑व्यमेवोप॒स्तिं कुरु॑ते जा॒मि वा – [] 16

7.2.5.4 - Padam

दे॒वपु॒रा इति॑ दे॒व-पु॒राः । अ॒पश्य॑न् । यत् । द॒शरा॑त्र इति॑ द॒श-रा॑त्रः ।
ताः । प॒रीति॑ । औ॒हन्त॑ । तेषा॑म् । न । कु॒तः । च॒न । उ॒पाव्या॑ध
इत्यु॑प – आ॒व्याधः॑ । अ॒भवत् । ततः॑ । दे॒वाः । अ॒भवन् । प॒रेति॑ ।
अ॒सुराः । यः । भ्रातृ॑व्यवा॒निति॑ भ्रातृ॑व्य – वा॒न् । स्यात् । सः ।
द॒शरा॑त्रेणेति॑ द॒श – रा॒त्रेण॑ । यजे॑त । दे॒वपु॒रा इति॑ दे॒व – पु॒राः ।
ए॒व । प॒रीति॑ । ऊ॒हते॑ । तस्य॑ । न । कु॒तः । च॒न । उ॒पाव्या॑ध इत्यु॑प-
आ॒व्याधः॑ । भवति॑ । भवति॑ । आ॒त्मना॑ । प॒रेति॑ । अ॒स्य । भ्रातृ॑व्यः ।
भवति॑ । स्तोमः॑ । स्तोम॑स्य । उ॒पस्तिः॑ । भवति॑ । भ्रातृ॑व्यम् । ए॒व ।
उ॒पस्तिम् । कुरु॑ते । जा॒मि । वै । 16 (50)

7.2.5.5

ए॒तत् कु॑र्वन्ति॒ यज्ज्या॑याऽस॒ स्तोम॑मु॒पेत्य॑ क॒नीयाऽस॑मु॒पय॑न्ति
यद॑ग्नि॒ष्टो-म॑सा॒मान्य॑व॒स्ताच्च॑ पर॒स्ताच्च॑ भव॑न्त्यजा॒मित्वा॑य

त्रिवृ॑द॒ग्नि॒ष्टोमो॑ ऽग्नि॒ष्टुदा॒ग्नेयी॑षु भवति तेज॑ ए॒वाव॑ रुन्धे पञ्चद॑श
उक्थ्य॑ ऐ॒न्द्री॒ष्विन्द्रि॒यमे॒वाव॑ रुन्धे त्रिवृ॑द॒ग्नि॒ष्टोमो॑ वै॒श्वदे॒वीषु॑ पु॒ष्टिमे॒वाव॑
रुन्धे सप्तद॑शो॒ऽग्नि॒ष्टोमः॑ प्रा॒जाप॒त्यासु॑ ती॒व्रसो॒मो॑ ऽन्नाद्य॒स्या-वरु॑द्ध्या
अथो॑ प्रै॒व तेन॑ जायत - [] 17

7.2.5.5 - Padam

एतत् । कुर्व॑न्ति । यत् । ज्याया॑ऽसम् । स्तोम॑म् । उपेत्येत्युप॑-इत्य॑ ।
कनीया॑ऽसम् । उपय॑न्तीत्युप॑ - यन्ति॑ । यत् ।
अ॒ग्नि॒ष्टोम॒सामा॑नीत्य॒ग्नि॒ष्टोम॒-सामा॑नि । अ॒वस्ता॑त् । च । प॒रस्ता॑त् ।
च । भव॑न्ति । अ॒जामि॒त्वाये॒त्यजा॑मि - त्वाय॑ । त्रिवृ॑दिति त्रि - वृत् ।
अ॒ग्नि॒ष्टोम॒ इत्य॑ग्नि - स्तोमः॑ । अ॒ग्नि॒ष्टुदि॒त्यग्नि॒-स्तु॑त् । आ॒ग्नेयी॑षु ।
भव॑ति । तेजः॑ । ए॒व । अवे॑ति । रुन्धे॑ । पञ्चद॑श इति पञ्च-दशः ।
उक्थ्यः॑ । ऐ॒न्द्रीषु॑ । इन्द्रि॒यम् । ए॒व । अवे॑ति । रुन्धे॑ । त्रिवृ॑दिति
त्रि - वृत् । अ॒ग्नि॒ष्टोम॒ इत्य॑ग्नि - स्तोमः॑ । वै॒श्वदे॒वीष्विति॑ वैश्व-
दे॒वीषु॑ । पु॒ष्टिम् । ए॒व । अवे॑ति । रुन्धे॑ । सप्तद॑श इति सप्त-दशः ।

अ॒ग्नि॒ष्टोम॑ इत्य॒ग्नि – स्तो॒मः । प्रा॒जाप॑त्यास्वि॒ति प्रा॒जा – प॒त्यासु॑ ।
ती॒व्रसो॑म इति॑ ती॒व्र-सो॑मः । अ॒न्नाद्य॑स्येत्य॒न्न – अ॒द्यस्य॑ । अ॒वरु॑ध्या
इत्य॒व-रु॑ध्यै । अथो॑ इति॑ । प्रेति॑ । ए॒व । तेन॑ । जा॒यते॑ । 17 (50)

7.2.5.6

एक॒वि॒ंश उ॒क्थ्यः॑ सौरी॑षु प्र॒तिष्ठि॑त्या अथो॑ रुच॒मोवाऽऽ*त्मन्॑ धत्ते
सप्त॒दशो॑ऽग्नि॒ष्टोमः॑ प्रा॒जाप॑त्यासूप॒हव्य॑ उप॒हव॑मै॒व गच्छ॑ति
त्रि॒णवा॑वग्नि॒ष्टोमा॑वभित॑ ऐ॒न्द्रीषु॑ वि॒जित्यै॑ त्रय॒स्त्रि॒ंश उ॒क्थ्यो
वैश्व॑दे॒वीषु॑ प्र॒तिष्ठि॑त्यै वि॒श्वजि॑त् सर्व॒पृष्ठो॑ऽति॒रात्रो॑ भव॒ति
सर्व॑स्याभि॒जित्यै॑ । 18

7.2.5.6 - Padam

एक॒वि॒ंश इत्ये॑क – वि॒ंशः । उ॒क्थ्यः । सौरी॑षु । प्र॒तिष्ठि॑त्या इति॑
प्रति॑ – स्थि॒त्यै । अथो॑ इति॑ । रुच॒म् । ए॒व । आ॒त्मन् । धत्ते॑ ।
सप्त॒दश इति॑ सप्त – दशः । अ॒ग्नि॒ष्टोम इत्य॒ग्नि – स्तो॒मः ।
प्रा॒जाप॑त्यास्वि॒ति प्रा॒जा – प॒त्यासु॑ । उप॒हव्य॑ इत्यु॒प – ह॒व्यः ।
उप॒हव॑मित्यु॒प – ह॒वम् । ए॒व । गच्छ॑ति । त्रि॒णवा॑विति॑ त्रि – न॒वौ ।

अ॒ग्नि॒ष्टो॒मा॒वि॒त्य॒ग्नि॑ – स्तो॒मौ॑ । अ॒भि॒तः॑ । ऐ॒न्द्री॒षु॑ । वि॒जि॒त्या॑ इति
वि – जि॒त्यै॑ । त्रय॑स्त्रि॒ंश॑ इति त्रयः – त्रि॒ंशः॑ । उक्थ्यः ।
वै॒श्वदे॒वीष्वि॑ति वै॒श्व – दे॒वीषु॑ । प्र॒ति॒ष्ठि॒त्या॑ इति प्र॒ति – स्थि॒त्यै॑ ।
वि॒श्वजि॑दि॒ति॒ विश्व॑ – जि॒त् । सर्व॑पृ॒ष्ठ इति॑ सर्व – पृ॒ष्ठः ।
अ॒ति॒रा॒त्र इत्य॑ति – रा॒त्रः । भ॒व॒ति॑ । सर्व॑स्य । अ॒भि॒जि॒त्या॑ इत्य॒भि
– जि॒त्यै॑ । 18 (31) (प्र॒जा॒प॒त्यो॑ वा ए॒ष य॒ज्ञो यद् द॑श॒रा॒त्र –
स्त्रि॒कु॒ब्धा॑ – ए॒ता – वै – जा॒य॒त – ए॒क॒त्रि॒ंश॑च्च) (A5)

7.2.6.1

ऋ॒त॒वो॑ वै प्र॒जाका॑माः प्र॒जां नाऽवि॑न्दन्त तेऽका॑मयन्त प्र॒जां सृ॑जेमहि
प्र॒जाम॑व रुन्धीमहि प्र॒जां वि॑न्देमहि प्र॒जाव॑न्तः स्या॒मेति॑ त
ए॒तमे॑काद॒शरा॑त्रमपश्यन् तमाऽह॑रन् तेना॒यज॑न्त ततो॒ वै ते प्र॒जाम॑सृजन्त
प्र॒जाम॑वा॒रुन्ध॑त प्र॒जाम॑वि॒न्दन्त॑ प्र॒जाव॑न्तोऽभ॒वन्त॑ ऋ॒त॒वोऽभ॑वन्
तदा॒र्त॒वाना॑-मा॒र्त॒व॒त्व-मृ॒तूनां॑ वा ए॒ते पु॒त्रास्त॑स्मा – [] 19

7.2.6.1 - Padam

ऋ॒तवः॑ । वै । प्र॒जाका॑मा इति॑ प्र॒जा – का॒माः । प्र॒जामि॑ति
प्र – जा॒म् । न । अ॒विन्द॑न्त । ते । अ॒काम॑यन्त । प्र॒जामि॑ति
प्र – जा॒म् । सृ॒जेम॑हि । प्र॒जामि॑ति प्र-जा॒म् । अ॒वेति॑ । रु॒न्धीम॑हि ।
प्र॒जामि॑ति प्र – जा॒म् । वि॒न्देम॑हि । प्र॒जाव॑न्त इति॑ प्र॒जा – व॒न्तः ।
स्या॒म । इति॑ । ते । ए॒तम् । ए॒काद॑शरा॒त्रमि॑त्ये॒काद॑श – रा॒त्रम् ।
अ॒पश्य॑न् । तम् । ए॒ति । अ॒हर॑न् । ते॒न । अ॒यज॑न्त । त॒तः । वै । ते ।
प्र॒जामि॑ति प्र – जा॒म् । अ॒सृज॑न्त । प्र॒जामि॑ति प्र – जा॒म् । अ॒वेति॑ ।
अ॒रुन्ध॑त । प्र॒जामि॑ति प्र – जा॒म् । अ॒विन्द॑न्त । प्र॒जाव॑न्त इति॑
प्र॒जा – व॒न्तः । अ॒भव॑न् । ते । ऋ॒तवः॑ । अ॒भव॑न् । तत् ।
आ॒र्तवा॑नाम् । आ॒र्तव॑त्वमि॒त्यार्त॑व – त्वम् । ऋ॒तूना॑म् । वै । ए॒ते ।
पु॒त्राः । तस्मा॑त् । 19 (50)

7.2.6.2

–दा॒र्तवा॑ उ॒च्यन्ते॑ य ए॒वं वि॒द्वाँस॑ ए॒काद॑शरा॒त्रमा॑सते प्र॒जामे॒व
सृ॒जन्ते॑ प्र॒जाम॑व रु॒न्धते॑ प्र॒जां वि॒न्दन्ते॑ प्र॒जाव॑न्तो भव॒न्ति

ज्योति॑रतिरा॒त्रो भ॑वति ज्योति॑रे॒व पु॒रस्ता॑द्-दध॑ते सु॒वर्ग॑स्य लो॒कस्या-
नु॑ख्यात्यै पृ॒ष्ठ्यः षड॑हो भ॑वति षड् वा ऋ॒तवः॑ षट् पृ॒ष्ठानि॑
पृ॒ष्ठैरे॒वर्तू॑न्-न्वा॒रोह॑न्त्य॒तुभिः॑ सँव॑त्सरं ते सँव॑त्सर ए॒व प्र॑ति तिष्ठन्ति
चतु॑र्विंशो भ॑वति चतु॑र्विंशत्यक्षरा गायत्री - [] 20

7.2.6.2 - Padam

आ॒र्त॒वाः । उ॒च्यन्ते॑ । ये । ए॒वम् । वि॒द्वाँ॒सः ।
एका॑दशरा॒त्रमि॒त्येका॑दश - रा॒त्रम् । आ॒स॒ते । प्र॒जा॒मि॒ति प्र - जा॑म् ।
ए॒व । सृ॒जन्ते॑ । प्र॒जा॒मि॒ति प्र - जा॑म् । अ॒वे॒ति । रु॒न्ध॒ते । प्र॒जा॒मि॒ति
प्र - जा॑म् । वि॒न्दन्ते॑ । प्र॒जा॒व॒न्त इति॑ प्र॒जा - व॒न्तः । भ॑वन्ति ।
ज्योतिः॑ । अ॒ति॒रा॒त्र इत्य॑ति - रा॒त्रः । भ॑वति । ज्योतिः॑ । ए॒व ।
पु॒रस्ता॑त् । दध॑ते । सु॒वर्ग॑स्येति सु॒वः - ग॑स्य । लो॒क॑स्य ।
अनु॑ख्यात्या इत्यनु॑ - ख्यात्यै । पृ॒ष्ठ्यः । षड॑ह इति षट् - अ॒हः ।
भ॑वति । षट् । वै । ऋ॒तवः॑ । षट् । पृ॒ष्ठानि॑ । पृ॒ष्ठैः । ए॒व । ऋ॒तून् ।
अ॒न्वा॒रोह॑न्तीत्यनु॑ - आ॒रोह॑न्ति । ऋ॒तुभि॑रित्य॒तु - भिः॑ ।

सँव॒थ्स॒रमि॑ति सं – व॒थ्स॒रम् । ते । सँव॒थ्स॒र इति॑ सं – व॒थ्स॒रे ।
ए॒व । प्र॒तीति॑ । ति॒ष्ठन्ति॑ । च॒तुर्वि॒ंश इति॑ चतुः-वि॒ंशः । भ॒वति॑ ।
च॒तुर्वि॒ंशत्य॑क्षरेति चतुर्वि॒ंशति॑ – अ॒क्षरा॑ । गा॒यत्री॑ । 20 (50)

7.2.6.3

गा॒यत्रं॑ ब्र॒ह्मव॑र्चसं गा॒यत्रि॒यामे॒व ब्र॒ह्मव॑र्चसे प्रति ति॒ष्ठन्ति॑ चतुश्च॒त्वारि॒ंशो
भ॒वति॑ चतुश्च॒त्वारि॒ंशद॑क्षरा त्रि॒ष्टुगि॑न्द्रि॒यं त्रि॒ष्टुप् त्रि॒ष्टुभ्ये॒वेन्द्रि॑ये प्रति
ति॒ष्ठन्त्य॑ष्टाच॒त्वारि॒ंशो भ॒वत्य॑ष्टाच॒त्वारि॒ंशद॑क्षरा जगती जागताः प॒शवो॑
जग॒त्यामे॒व प॒शुषु॑ प्रति ति॒ष्ठन्त्ये॒-का॒द॒शरा॑त्रो भ॒वति॑ पञ्च वा ऋ॒तव॑
आ॒र्तवाः॑ पञ्च॒तुष्पे॒वाऽऽ*र्त॑वे॒षु सँव॒थ्स॒रे प्र॒तिष्ठा॑य प्र॒जाम॑व
रु॒न्धते॑ ऽति॒रात्रा॑व॒भितो॑ भ॒वतः॑ प्र॒जायै॑ परिगृहीत्यै । 21

7.2.6.3 - Padam

गा॒यत्र॑म् । ब्र॒ह्मव॑र्चसमि॒ति ब्र॒ह्म – व॑र्चसम् । गा॒यत्रि॒याम् । ए॒व ।
ब्र॒ह्मव॑र्चस इति ब्र॒ह्म – व॑र्चसे । प्र॒तीति॑ । ति॒ष्ठन्ति॑ । च॒तुश्च॒त्वारि॒ंश
इति॑ चतुः – च॒त्वारि॒ंशः । भ॒वति॑ । च॒तुश्च॒त्वारि॒ंशद॑क्षरेति
च॒तुश्च॒त्वारि॒ंशत् – अ॒क्षरा॑ । त्रि॒ष्टुक् । इन्द्रि॒यम् । त्रि॒ष्टुप् । त्रि॒ष्टुभि॑ ।

ए॒व । इ॒न्द्रि॒ये । प्र॒ती॒ति॒ । ति॒ष्ठ॒न्ति॒ । अ॒ष्टा॒च॒त्वा॒रि॒॒श॒ इत्य॑ष्टा
 – च॒त्वा॒रि॒॒शः॑ । भ॒व॒ति॒ । अ॒ष्टा॒च॒त्वा॒रि॒॒श॒द॒क्ष॒रे॒त्य॑ष्टाच॒त्वा॒रि॒॒श॒त्–
 अ॒क्ष॒रा । ज॒ग॒ती । जा॒ग॒ताः । प॒श॒वः॑ । ज॒ग॒त्या॒म् । ए॒व । प॒शु॒षु ।
 प्र॒ती॒ति॒ । ति॒ष्ठ॒न्ति॒ । ए॒का॒द॒श॒रा॒त्र॒ इत्ये॑काद॒श–रा॒त्रः॑ । भ॒व॒ति॒ । प॒ञ्च॑ ।
 वै । ऋ॒त॒वः॑ । आ॒र्त॒वाः॑ । प॒ञ्च॑ । ऋ॒तु॒षु । ए॒व । आ॒र्त॒वेषु॑ । सँ॒व॒त्स॒र
 इति॑ सं – व॒त्स॒रे । प्र॒ति॒ष्ठा॒ये॒ति॒ प्र॒ति॒ – स्था॒य॑ । प्र॒जा॒मि॒ति॑
 प्र – जा॒म् । अ॒वे॒ति॒ । रु॒न्ध॒ते॑ । अ॒ति॒रा॒त्रा॒वि॒त्य॒ति॒ – रा॒त्रौ । अ॒भि॒तः॑ ।
 भ॒व॒तः॑ । प्र॒जा॒या इति॑ प्र – जा॒यै॑ । प॒रि॒गृ॒ही॒त्या इति॑ प॒रि–गृ॒ही॒त्यै॑ ।

21 (49) (तस्माद् – गायत्र्यै – कान्न पञ्चाशच्च) (A6)

7.2.7.1

ऐ॒न्द्र॒वा॒य॒वा॒ग्रा॒न् गृ॒ह्णी॒या॒द्यः॑ का॒म॒ये॒त॒ यथा॑ पू॒र्वं॑ प्र॒जाः॑ क॒ल्पो॒र॒न्नि॒ति॑
 य॒ज्ञ॒स्य॑ वै क॒ल्प॒ति॒म॒नु॒ प्र॒जाः॑ क॒ल्प॒न्ते॑ य॒ज्ञ॒स्या–क॒ल्प॒ति॒म॒नु॒ न
 क॒ल्प॒न्ते॑ यथा॑ पू॒र्व॒मे॒व॒ प्र॒जाः॑ क॒ल्प॒य॒ति॒ न॒ ज्या॒या॒सं॑ क॒नी॒या॒न॒ति॑
 क्रा॒म॒त्यै॒न्द्र॒वा॒य॒वा॒ग्रा॒न् गृ॒ह्णी॒या॒दा॒म॒या॒वि॒नः॑ प्रा॒णे॒न॒ वा॒ ए॒ष॒ व्यृ॒ध्य॒ते॑

यस्याऽऽ*मयति प्राण ऐन्द्रवायवः प्राणेनैवैनं समर्थयति
मैत्रावरुणाग्रान् गृहीरन् येषां दीक्षितानां प्रमीयेत-[] 22

7.2.7.1 - Padam

ऐन्द्रवायवाग्रानित्यैन्द्रवायव – अग्रान् । गृहीयात् । यः । कामयेत ।
यथापूर्वमिति यथा – पूर्वम् । प्रजा इति प्र – जाः । कल्पेरन् ।
इति । यज्ञस्य । वै । कल्पिम् । अन्विति । प्रजा इति प्र – जाः ।
कल्पन्ते । यज्ञस्य । अकल्पिम् । अन्विति । न । कल्पन्ते ।
यथापूर्वमिति यथा – पूर्वम् । एव । प्रजा इति प्र – जाः ।
कल्पयति । न । ज्यायांसम् । कनीयान् । अतीति । क्रामति ।
ऐन्द्रवायवाग्रानित्यैन्द्रवायव – अग्रान् । गृहीयात् । आमयाविनः ।
प्राणेनेति प्र – अनेन । वै । एषः । वीति । ऋध्यते । यस्य ।
आमयति । प्राण इति प्र – अनः । ऐन्द्रवायव इत्यैन्द्र – वायवः ।
प्राणेनेति प्र – अनेन । एव । एनम् । समिति । अर्थयति ।

मै॒त्रावरु॑णा॒ग्रानि॑ति॒ मै॒त्रावरु॑ण – अ॒ग्रान् । गृ॒ह्णी॒रन् । ये॒षाम् ।

दी॒क्षि॒ताना॑म् । प्र॒मीये॑तेति॒ प्र – मी॑येत । 22 (50)

7.2.7.2

प्रा॒णापा॑नाभ्यां॒ वा ए॒ते व्य॑ध्यन्ते॒ येषां॑ दी॒क्षि॒तानां॑ प्र॒मीय॑ते प्रा॒णापा॑नौ
मि॒त्रावरु॑णौ प्रा॒णापा॑नावे॒व मुख॑तः॒ परि॑ हरन्त आ॒श्विना॑ग्रान् गृ॒ह्णी॒ता
ऽऽ*नु॒जाव॑रौ॒ऽश्वि॒नौ वै दे॒वाना॑मा॒नुजा॑वरौ प॒श्चेवा॑ग्रं प॒र्ये॑ता-म॒श्विना॑वे॒तस्य॑
दे॒वता॑ य आ॒नुजा॑वर-स्तावे॒वैन॑म॒ग्रं परि॑ णयतः शु॒क्राग्रा॑न् गृ॒ह्णी॒त ग॒तश्रीः॑
प्र॒तिष्ठा॑कामो॒ऽसौ वा आ॑दित्यः शु॒क्र ए॒षोऽन्तो॑ऽन्तं म॒नुष्यः॑ – [] 23

7.2.7.2 - Padam

प्रा॒णापा॑नाभ्यामि॒ति प्रा॑ण – अ॒पा॒नाभ्या॑म् । वै । ए॒ते । वी॒ति ।
ऋ॒ध्यन्ते॑ । ये॒षाम् । दी॒क्षि॒ताना॑म् । प्र॒मीय॑त इति॒ प्र – मी॑यते ।
प्रा॒णापा॑नावि॒ति प्रा॑ण – अ॒पा॒नौ । मि॒त्रावरु॑णावि॒ति मि॒त्रा – वरु॑णौ ।
प्रा॒णापा॑नावि॒ति प्रा॑ण – अ॒पा॒नौ । ए॒व । मुख॑तः । प॒रीति॑ । ह॒रन्ते॑ ।
आ॒श्विना॑ग्रानि॒त्याश्वि॑न-अ॒ग्रान् । गृ॒ह्णी॒त । आ॒नुजा॑वर इ॒त्यानु॑-जा॒वरः ।
अ॒श्वि॒नौ । वै । दे॒वाना॑म् । आ॒नुजा॑वरावि॒त्यानु॑ – जा॒वरौ । प॒श्चा ।

इ॒व । अ॒ग्रम् । प॒रीति॑ । ऐ॒ताम् । अ॒श्विनौ॑ । ए॒तस्य॑ । दे॒वता॑ । यः ।
आ॒नु॒जा॒वर॑ इ॒त्यानु॑ – जा॒वरः । तौ । ए॒व । ए॒नम् । अ॒ग्रम् । प॒रीति॑ ।
न॒यतः॑ । शु॒क्रा॒ग्रा॒निति॑ शु॒क्र – अ॒ग्रान् । गृ॒ह्णी॑त । ग॒तश्री॑रिति॑
ग॒त – श्रीः॑ । प्र॒तिष्ठा॑काम॒ इति॑ प्र॒तिष्ठा – का॒मः । अ॒सौ । वै ।
आ॒दि॒त्यः । शु॒क्रः । ए॒षः । अ॒न्तः । अ॒न्तम् । म॒नुष्यः॑ । 23 (50)

7.2.7.3

श्रि॒यै ग॒त्वा नि॑ वर्त॒ते ऽन्ता॑दे॒वाऽन्त॑मा र॒भते॑ न त॒तः पा॒पी॒यान् भ॑वति
म॒न्थ्य॒ग्रा॒न् गृ॒ह्णी॑ता-भि॒चर॑-न्ना॒र्तपा॒त्रं वा॑ ए॒तद्-यन्-म॑न्थिपा॒त्रं
मृ॒त्युनै॒वैनं॑ ग्रा॒हय॑ति ता॒जगा॑र्ति॒माच्छ॑त्या-ग्र॒यणा॑ग्रा॒न् गृ॒ह्णी॑त यस्य॑ पि॒ता
पि॒ताम॑हः पु॒ण्यः स्या॑दथ तन्न प्राप्नु॒याद्-वा॒चा वा ए॒ष इ॒न्द्रि॒येण॑
व्य॑ध्यते॒ यस्य॑ पि॒ता पि॒ताम॑हः पु॒ण्यो – [] 24

7.2.7.3 - Padam

श्रि॒यै । ग॒त्वा । नी॒ति । वर्त॒ते । अ॒न्तात् । ए॒व । अ॒न्तम् । ए॒ति ।
र॒भते॑ । न । त॒तः । पा॒पी॒यान् । भ॑वति । म॒न्थ्य॒ग्रा॒निति॑ म॒न्थि-अ॒ग्रान् ।
गृ॒ह्णी॑त । अ॒भि॒चर॑न्नित्य॒भि – च॒रन् । आ॒र्तपा॒त्रमि॒त्यार्त॑ – पा॒त्रम् ।

वै । ए॒तत् । यत् । म॒न्थि॒पा॒त्रमि॑ति॒ मन्थि॑ – पा॒त्रम् । मृ॒त्युना॑ ॥ ए॒व ।
ए॒नम् । ग्रा॒हय॑ति । ता॒जक् । आ॒र्तिम् । ए॒ति । ऋ॒च्छति॑ ।
आ॒ग्रय॑णा॒ग्रानि॒त्याग्र॑यण॒-अ॒ग्रान् । गृ॒ह्णी॑त । य॒स्य । पि॒ता । पि॒ताम॑हः ।
पु॒ण्यः । स्या॑त् । अथ॑ । तत् । न । प्रा॒प्नु॒यादि॑ति॒ प्र – आ॒प्नु॒यात् ।
वा॒चा । वै । ए॒षः । इ॒न्द्रि॒येण॑ । वी॒ति । ऋ॒ध्यते॑ । य॒स्य । पि॒ता ।
पि॒ताम॑हः । पु॒ण्यः । 24 (50)

7.2.7.4

भ॒वत्य॑थ तन्न प्रा॒प्नो॑त्युर॒ इवै॑तद्-य॒ज्ञस्य॑ वा॒गिव॑ यदा॒ग्रय॑णो
वा॒चैवै॑नमि॒न्द्रि॒येण॑ स॒मर्ध॑यति॒ न ततः॑ पा॒पीया॑न् भ॒वत्यु॑क्थ्या॒ग्रान्
गृ॒ह्णी॑ताभि॒चर्य॑माणः॒ सर्वे॑षां वा॒ एतत्॑ पा॒त्राणा॑मि॒न्द्रि॒यं यदु॑क्थ्यपा॒त्रञ्
सर्वे॑णै॒वैन॑मि॒न्द्रि॒येणा॑ति॒ प्रयु॑ङ्क्ते॒ सर॑स्वत्य॒भि नो॑ नै॒षि व॒स्य इति॑
पु॒रोरु॑चं॒ कुर्या॑द्-वा॒ग्वै – [] 25

7.2.7.4 - Padam

भ॒वति॑ । अथ॑ । तत् । न । प्रा॒प्नो॑तीति॒ प्र – आ॒प्नो॑ति । उ॒रः । इ॒व ।
ए॒तत् । य॒ज्ञस्य॑ । वाक् । इ॒व । यत् । आ॒ग्रय॑णः । वा॒चा । ए॒व ।

ए॒नम् । इ॒न्द्रि॒येण॑ । स॒मि॒ति॑ । अ॒र्ध॒य॒ति॑ । न । त॒तः॑ । पा॒पी॒या॒न् ।
 भ॒व॒ति॑ । उ॒क्थ्या॑ग्रा॒नित्यु॑क्थ्य – अ॒ग्रान् । गृ॒ह्णी॒त॑ । अ॒भि॒च॒र्य॒मा॒ण॑
 इ॒त्य॒भि॑ – च॒र्य॒मा॒णः॑ । स॒र्वे॒षाम् । वै । ए॒तत् । पा॒त्रा॒णाम् । इ॒न्द्रि॒यम् ।
 यत् । उ॒क्थ्य॑पा॒त्रमि॒त्यु॑क्थ्य – पा॒त्रम् । स॒र्वे॒ण॑ । ए॒व । ए॒नम् ।
 इ॒न्द्रि॒येण॑ । अ॒ति॑ । प्रे॒ति॑ । यु॒ङ्क्ते॑ । स॒र॒स्व॒ति॑ । अ॒भी॒ति॑ । नः॑ । ने॒षि॑ ।
 व॒स्यः॑ । इ॒ति॑ । पु॒रो॒रु॒च॒मि॒ति॑ पु॒रः – रु॒चम् । कु॒र्या॒त् । वाक् ।

वै । 25 (50)

7.2.7.5

स॒र॒स्व॒ती॑ वा॒चै॒वैन॑म॒ति॑ प्र॒यु॒ङ्क्ते॑ मा त्वत् क्षे॒त्रा॒ण्य॒र॒णानि॑ ग॒न्मे॒त्या॒ह॑
 मृ॒त्यो॒र्वै॑ क्षे॒त्रा॒ण्य॒र॒णानि॑ ते॒नै॒व॑ मृ॒त्योः॑ क्षे॒त्रा॒णि॑ न ग॒च्छ॒ति॑ पू॒र्णान्
 गृ॒हान्॑ गृ॒ह्णी॒या॒दाम॒या॒वि॒नः॑ प्रा॒णान्॑ वा ए॒तस्य॑ शु॒गृ॒च्छ॒ति॑
 यस्याऽऽ*म॒य॒ति॑ प्रा॒णा॒ गृ॒हाः॑ प्रा॒णाने॒वास्य॑ शु॒चो॑ मु॒ञ्च॒त्यु॒त॑
 यदी॒ता॒सु॒र्भ॒व॒ति॑ जी॒व॒त्ये॒व॑ पू॒र्णान्॑ गृ॒हान्॑ () गृ॒ह्णी॒या॒द्-यर्॒हि॑ प॒र्ज॒न्यो॑
 न व॒र्षे॒त् प्रा॒णान्॑ वा ए॒तर्॒हि॑ प्र॒जाना॑ं शु॒गृ॒च्छ॒ति॑ यर्॒हि॑ प॒र्ज॒न्यो॑ न

व॒र्ष॑ति प्रा॒णा ग्र॒हाः॑ प्रा॒णाने॒व प्र॒जाना॑ शु॒चो मु॒ञ्च॑ति ता॒जक् प्र
व॒र्ष॑ति । 26

7.2.7.5 - Padam

सर॑स्वती । वा॒चा । ए॒व । ए॒नम् । अ॒ति । प्रे॒ति । यु॒ङ्क्ते॒ । मा । त्वत् ।
क्षे॑त्राणि । अ॒रण॑ानि । ग॒न्म । इ॒ति । आ॒ह । मृ॒त्योः । वै । क्षे॑त्राणि ।
अ॒रण॑ानि । ते॒न । ए॒व । मृ॒त्योः । क्षे॑त्राणि । न । ग॒च्छ॑ति । पू॒र्णान् ।
ग्र॒हान् । गृ॒ह्णी॒यात् । आ॒मया॑विनः । प्रा॒णानि॑ति प्र – अ॒नान् । वै ।
ए॒तस्य॑ । शुक् । ऋ॒च्छ॑ति । य॒स्य । आ॒मय॑ति । प्रा॒णा इ॒ति
प्र – अ॒नाः । ग्र॒हाः । प्रा॒णानि॑ति प्र – अ॒नान् । ए॒व । अ॒स्य । शु॒चः ।
मु॒ञ्च॑ति । उ॒त । य॒दि । इ॒तासु॑रितीत – अ॒सुः । भ॒व॒ति । जी॒व॒ति ।
ए॒व । पू॒र्णान् । ग्र॒हान् () । गृ॒ह्णी॒यात् । य॒र्हि । प॒र्जन्यः॑ । न ।
व॒र्षे॑त् । प्रा॒णानि॑ति प्र – अ॒नान् । वै । ए॒तर्हि॑ । प्र॒जाना॑मिति
प्र – जा॒नाम् । शुक् । ऋ॒च्छ॑ति । य॒र्हि । प॒र्जन्यः॑ । न । व॒र्ष॑ति ।
प्रा॒णा इ॒ति प्र – अ॒नाः । ग्र॒हाः । प्रा॒णानि॑ति प्र – अ॒नान् । ए॒व ।

प्र॒जानामि॑ति प्र – जाना॑म् । शु॒चः । मुञ्च॑ति । ताज॑क् । प्रेति॑ ।
वर्ष॑ति । 26 (75) (प्र॒मीये॑त – म॒नुष्य॑ – ऋ॒द्ध्यते॑ यस्य॑ पि॒ता
पि॒ताम॑हः पु॒ण्यो-वाग्वा-ए॒व पू॒र्णान् ग्र॒हान्-पञ्च॑वि॒ंशति॑श्च) (A7)

7.2.8.1

गा॒यत्रो॑ वा ऐ॒न्द्रवा॑यवो गा॒यत्रं प्रा॑यणीय-म॒हस्तस्मा॑त् प्रा॒यणीये॑-
ऽह॒न्नैन्द्र॑वा॒यवो गृ॑ह्यते स्व ए॒वैन॑मा॒यत॑ने गृ॒ह्णाति॑ त्रै॒ष्टुभो॑ वै शु॒क्रस्त्रै॑ष्टुभं
द्वि॒तीय-म॒हस्तस्मा॑द् द्वि॒तीयेऽह॑ञ्छु॒क्रो गृ॑ह्यते स्व ए॒वैन॑मा॒यत॑ने गृ॒ह्णाति॑
जा॒गतो॑ वा आ॒ग्रय॑णो जा॒गतं तृ॒तीय-म॒हस्तस्मा॑त् तृ॒तीयेऽह॑न्ना॒ग्रय॑णो
गृ॑ह्यते स्व ए॒वैन॑मा॒यत॑ने गृ॒ह्णात्ये॑तद्वै – [] 27

7.2.8.1 - Padam

गा॒यत्रः । वै । ऐ॒न्द्रवा॑यव इत्यै॒न्द्र – वा॑यवः । गा॒यत्रम् ।
प्रा॒यणी॑यमि॒ति प्र – अ॒यनी॑यम् । अ॒हः । तस्मा॑त् । प्रा॒यणी॑य इति॑
प्र – अ॒यनी॑ये । अ॒हन् । ऐ॒न्द्रवा॑यव इत्यै॒न्द्र – वा॑यवः । गृ॑ह्यते ।
स्वे । ए॒व । ए॒नम् । आ॒यत॑न इत्या – य॒तने॑ । गृ॒ह्णाति॑ । त्रै॒ष्टुभः । वै ।
शु॒क्रः । त्रै॒ष्टुभम् । द्वि॒तीयम् । अ॒हः । तस्मा॑त् । द्वि॒तीये॑ । अ॒हन् ।

शु॒क्रः । गृ॒ह्यते॑ । स्वे॑ । ए॒व । ए॒नम् । आ॒य॒त॒न॒ इत्या॑ – य॒त॒ने॑ ।
 गृ॒ह्णा॒ति॒ । जा॒गतः॑ । वै । आ॒ग्र॒य॒णः । जा॒गत॑म् । तृ॒तीय॑म् । अ॒हः ।
 तस्मा॑त् । तृ॒तीये॑ । अ॒हन् । आ॒ग्र॒य॒णः । गृ॒ह्यते॑ । स्वे॑ । ए॒व । ए॒नम् ।
 आ॒य॒त॒न॒ इत्या॑ – य॒त॒ने॑ । गृ॒ह्णा॒ति॒ । ए॒तत् । वै । 27 (50)

7.2.8.2

य॒ज्ञ॒मा॒प॒द्-य॒च्छ॒न्दा॑ꣳस्या॒प्नो॑ति॒ यदा॑ग्र॒य॒णः श्वो॑ गृ॒ह्यते॑ य॒त्रै॒व
 य॒ज्ञ॒म॒दृ॒श॒न् त॒त ए॒वैनं॑ पु॒नः प्र॒यु॒ङ्क्ते॑ ज॒ग॒न्मु॒खो वै द्वि॒तीय॑स्त्रि॒रात्रो॑
 जा॒गत॑ आ॒ग्र॒य॒णो य॒च्चतु॑र्थेऽह॒न्ना॒ग्र॒य॒णो गृ॒ह्यते॑ स्व॒ ए॒वैन॑मा॒य॒त॒ने
 गृ॒ह्णा॒त्यथो॑ स्व॒मे॒व छ॒न्दोऽनु॑ प॒र्या॒व॒र्त॒न्ते रा॒थ॒न्त॒रो वा ऐ॒न्द्र॒वा॒य॒वो
 रा॒थ॒न्त॒रं पञ्च॑म॒मह॑स्तस्मा॑त् पञ्च॒मेऽह॑ – [] 28

7.2.8.2 - Padam

य॒ज्ञ॒म् । आ॒प॒त् । य॒त् । छ॒न्दा॑ꣳसि॒ । आ॒प्नो॑ति॒ । य॒त् । आ॒ग्र॒य॒णः ।
 श्वः॑ । गृ॒ह्यते॑ । य॒त्र । ए॒व । य॒ज्ञ॒म् । अ॒दृ॒श॒न् । त॒तः । ए॒व । ए॒नम् ।
 पु॒नः । प्रे॑ति॒ । यु॒ङ्क्ते॑ । ज॒ग॒न्मु॒ख इति॑ ज॒ग॒त् – मु॒खः । वै । द्वि॒तीयः॑ ।
 त्रि॒रा॒त्र इति॑ त्रि – रा॒त्रः । जा॒गतः॑ । आ॒ग्र॒य॒णः । य॒त् । च॒तु॒र्थे॑ ।

अ॒हन् । आ॒ग्र॒य॒णः । गृ॒ह्य॒ते॑ । स्वे । ए॒व । ए॒न॒म् । आ॒य॒त॒न॒
इ॒त्या॑ – य॒त॒ने॑ । गृ॒ह्णा॒ति॒ । अ॒थो॒ इति॑ । स्व॒म् । ए॒व । छ॒न्दः॑ ।
अ॒न्वि॒ति॑ । प॒र्या॒व॒र्त॒न्त॒ इति॑ प॒रि-आ॒व॒र्त॒न्ते॑ । रा॒थ॒न्त॒र॒ इति॑ रा॒थं-त॒रः॑ ।
वै । ऐ॒न्द्र॒वा॒य॒व॒ इत्यै॑न्द्र – वा॒य॒वः॑ । रा॒थ॒न्त॒र॒मि॒ति॒ रा॒थं – त॒र॒म् ।
प॒ञ्च॒म॒म् । अ॒हः॑ । तस्मा॑त् । प॒ञ्च॒मे॑ । अ॒हन् । 28 (50)

7.2.8.3

-नै॒न्द्र॒वा॒य॒वो॑ गृ॒ह्य॒ते॑ स्व॒ ए॒वैन॑मा॒य॒त॒ने॑ गृ॒ह्णा॒ति॒ बा॒र्ह॒तो॒ वै शु॒क्रो॑
बा॒र्ह॒त॑ ष॒ष्ठ॒म॒ह॒स्त॒स्मा॒त् ष॒ष्ठे॒ह॒ञ्छु॒क्रो॑ गृ॒ह्य॒ते॑ स्व॒ ए॒वैन॑मा॒य॒त॒ने॑
गृ॒ह्णा॒त्ये॒त॒द्वै॑ द्वि॒तीयं॑ य॒ज्ञ॒मा॒प॒द्-य॒च्छ॒न्दा॑ स्या॒प्नो॒ति॒ य॒च्छु॒क्रः॑ श्वो॑
गृ॒ह्य॒ते॑ य॒त्रै॒व य॒ज्ञ॒म॒दृ॒श॒न् त॒त ए॒वैनं॑ पु॒नः॑ प्र॒यु॒ङ्क्ते॑ त्रि॒ष्टु॒ङ्मुखो॑ वै
तृ॒ती॒य॒स्त्रि॒रा॒त्र॒स्त्रै॒ष्टु॒भः॑ – [] 29

7.2.8.3 - Padam

ऐ॒न्द्र॒वा॒य॒व॒ इत्यै॑न्द्र – वा॒य॒वः॑ । गृ॒ह्य॒ते॑ । स्वे । ए॒व । ए॒न॒म् । आ॒य॒त॒न॒
इ॒त्या॑ – य॒त॒ने॑ । गृ॒ह्णा॒ति॒ । बा॒र्ह॒तः॑ । वै । शु॒क्रः॑ । बा॒र्ह॒त॒म् ।
ष॒ष्ठ॒म् । अ॒हः॑ । तस्मा॑त् । ष॒ष्ठे॑ । अ॒हन् । शु॒क्रः॑ । गृ॒ह्य॒ते॑ । स्वे ।

ए॒व । ए॒न॒म् । आ॒य॒त॒न॒ इ॒त्या॑ – य॒त॒ने॑ । गृ॒ह्णा॒ति॒ । ए॒त॒त् । वै ।
द्वि॒तीय॑म् । य॒ज्ञ॒म् । आ॒प॒त् । य॒त् । छ॒न्दा॒ऽसि॑ । आ॒प्नो॒ति॑ । य॒त् ।
शु॒क्रः । श्वः॑ । गृ॒ह्य॒ते॑ । य॒त्र । ए॒व । य॒ज्ञ॒म् । अ॒दृ॒श॒न् । त॒तः॑ । ए॒व ।
ए॒न॒म् । पु॒नः॑ । प्रे॒ति॑ । यु॒ङ्क्ते॑ । त्रि॒ष्टु॒ङ्मुख॑ इति त्रि॒ष्टुक् – मु॒खः॑ । वै ।
तृ॒तीयः॑ । त्रि॒रा॒त्र इति॑ त्रि – रा॒त्रः॑ । त्रै॒ष्टु॒भः॑ । 29 (50)

7.2.8.4

शु॒क्रो य॒थ् स॒प्त॒मे॒ऽह॒ञ्छु॒क्रो गृ॒ह्य॒ते॑ स्वं ए॒वै॒न॒मा॒य॒त॒ने॑ गृ॒ह्णा॒त्यथो॑
स्व॒मे॒व छ॒न्दो॑ऽनु॒ पर्या॑वर्त॒न्ते वा॒ग्वा आ॒ग्र॒य॒णो वा॒ग॒ष्ट॒म॒म॒ह॒–
स्त॒स्मा॒द॒ष्ट॒मे॒ऽह॒न्ना॒ग्र॒य॒णो गृ॒ह्य॒ते॑ स्वं ए॒वै॒न॒मा॒य॒त॒ने॑ गृ॒ह्णा॒ति॒
प्रा॒णो वा ऐ॒न्द्र॒वा॒य॒वः प्रा॒णो न॒व॒म॒–म॒ह॒स्त॒स्मान्न॒व॒मे॒ऽह॒न्नै॒न्द्र॒वा॒य॒वो
गृ॒ह्य॒ते॑ स्वं ए॒वै॒न॒मा॒य॒त॒ने॑ गृ॒ह्णा॒त्येत॑ – [] 30

7.2.8.4 - Padam

शु॒क्रः । य॒त् । स॒प्त॒मे॒ । अ॒ह॒न् । शु॒क्रः । गृ॒ह्य॒ते॑ । स्वे॑ । ए॒व ।
ए॒न॒म् । आ॒य॒त॒न॒ इ॒त्या॑ – य॒त॒ने॑ । गृ॒ह्णा॒ति॒ । अ॒थो इति॑ । स्व॒म् ।
ए॒व । छ॒न्दः॑ । अ॒न्वि॒ति॑ । पर्या॑वर्त॒न्त इति॑ परि – आ॑वर्त॒न्ते । वाक् ।

वै । आग्रयणः । वाक् । अष्टमम् । अहः । तस्मात् । अष्टमे ।
 अहन् । आग्रयणः । गृह्यते । स्वे । एव । एनम् । आयतन
 इत्या – यतने । गृह्णाति । प्राण इति प्र – अनः । वै । ऐन्द्रवायव
 इत्यैन्द्र – वायवः । प्राण इति प्र – अनः । नवमम् । अहः ।
 तस्मात् । नवमे । अहन् । ऐन्द्रवायव इत्यैन्द्र – वायवः । गृह्यते ।
 स्वे । एव । एनम् । आयतन इत्या – यतने । गृह्णाति ।

एतत् । 30 (50)

7.2.8.5

–द्वै तृतीयं यज्ञमापद्-यच्छन्दाऽस्याप्नोति यदैन्द्रवायवः श्वो गृह्यते
 यत्रैव यज्ञमदृशन् तत एवैनं पुनः प्रयुङ्क्ते ऽथो स्वमेव छन्दोऽनु
 पर्यावर्तन्ते पथो वा एतेऽध्यपथेन यन्ति येऽन्ये नैन्द्रवायवात्
 प्रतिपद्यन्तेऽन्तः खलु वा एष यज्ञस्य यद्-दशम-महर्दशमे
 ऽहन्नैन्द्रवायवो गृह्यते यज्ञस्यै-[] 31

7.2.8.5 - Padam

वै । तृतीयम् । यज्ञम् । आपत् । यत् । छन्दा॑सि । आप्नोति॑ । यत् ।
ऐन्द्र॑वायव इत्यैन्द्र॑ – वायवः । श्वः । गृह्यते॑ । यत्र । एव । यज्ञम् ।
अदृशन् । ततः । एव । एनम् । पुनः । प्रेति॑ । युङ्क्ते॑ । अथो॑ इति ।
स्वम् । एव । छन्दः । अन्विति॑ । पर्यावर्तन्त॑ इति परि – आवर्तन्ते॑ ।
पथः । वै । एते । अधीति॑ । अपथेन॑ । यन्ति॑ । ये । अन्येन॑ ।
ऐन्द्र॑वायवादित्यैन्द्र॑ – वायवात् । प्रतिपद्यन्त॑ इति प्रति – पद्यन्ते॑ ।
अन्तः । खलु । वै । एषः । यज्ञस्य॑ । यत् । दशमम् । अहः । दशमे॑ ।
अहन् । ऐन्द्र॑वायव इत्यैन्द्र॑ – वायवः । गृह्यते॑ । यज्ञस्य॑ । 31 (50)

7.2.8.6

–वान्तं॑ गत्वा ऽपथात्॑ पन्थामपि॑ यन्त्यथो॑ यथा॑ वहीयसा॑ प्रतिसारं॑
ँवहन्ति॑ तादृगेव॑ तच्छन्दा॑स्यन्यो॑ऽन्यस्य॑ लोकमभ्यध्यायन्॑ तान्येतेनैव॑
देवा॑ व्यवहयन्नेन्द्र॑वायवस्य॑ वा एतदायतनं॑ यच्चतुर्थमहस्तस्मि॑ –
न्नाग्रयणो॑ गृह्यते॑ तस्मादाग्रयणस्याऽऽ*यतने॑ नवमेऽहन्नेन्द्र॑वायवो॑ गृह्यते॑
शुक्रस्य॑ वा एतदायतनं॑ यत् पञ्चम – [] 32

7.2.8.6 - Padam

ए॒व । अ॒न्त॒म् । ग॒त्वा । अ॒प॒थात् । प॒न्था॒म् । अ॒पी॒ति॒ । य॒न्ति॒ ।
अ॒थो इति॑ । य॒था । व॒ही॒य॒सा । प्र॒ति॒सार॒मि॒ति॒ प्र॒ति॒-सार॒म् । व॒ह॒न्ति॒ ।
ता॒दृक् । ए॒व । तत् । छ॒न्दा॒सि॒ । अ॒न्यः । अ॒न्य॒स्य॒ । लो॒क॒म् ।
अ॒भी॒ति॒ । अ॒ध्या॒य॒न् । ता॒नि॒ । ए॒तेन॑ । ए॒व । दे॒वाः । वी॒ति॒ ।
अ॒वा॒ह॒य॒न् । ऐ॒न्द्र॒वा॒य॒व॒स्यै॒त्यै॒न्द्र॒ - वा॒य॒व॒स्य॒ । वै । ए॒तत् ।
आ॒य॒त॒न॒मि॒त्या - य॒त॒न॒म् । यत् । च॒तु॒र्थ॒म् । अ॒हः । त॒स्मिन् ।
आ॒ग्र॒य॒णः । गृ॒ह्य॒ते॒ । त॒स्मा॒त् । आ॒ग्र॒य॒ण॒स्य॒ । आ॒य॒त॒न॒ इ॒त्या-य॒त॒ने॒ ।
न॒व॒मे॒ । अ॒ह॒न् । ऐ॒न्द्र॒वा॒य॒व॒ इ॒त्यै॒न्द्र॒ - वा॒य॒वः॒ । गृ॒ह्य॒ते॒ । शु॒क्र॒स्य॒ ।
वै । ए॒तत् । आ॒य॒त॒न॒मि॒त्या - य॒त॒न॒म् । यत् । प॒ञ्च॒म॒म् । 32 (50)

7.2.8.7

-म॒ह॒स्त॒स्मि॒नै॒न्द्र॒वा॒य॒वो॒ गृ॒ह्य॒ते॒ त॒स्मा॒दै॒न्द्र॒वा॒य॒व॒स्याऽऽ*य॒त॒ने॒
स॒प्त॒मेऽह॑ञ्छु॒क्रो गृ॒ह्य॒त आ॒ग्र॒य॒ण॒स्य॒ वा ए॒त॒दा॒य॒त॒नं॑ य॒थ्
ष॒ष्ठ॒म॒ह॒स्त॒स्मि॒ञ्छु॒क्रो गृ॒ह्य॒ते॒ त॒स्मा॒च्छु॒क्र॒स्याऽऽ*य॒त॒नेऽष्ट॑मेऽह॑न्नाग्रय॒णो
गृ॒ह्य॒ते॒ छ॒न्दा॒स्यै॒व त॒द्वि॒ वा॒ह॒य॒ति॒ प्र॒ व॒स्य॒सो॒ वि॒वा॒ह॒मा॒प्नो॒ति॒ य ए॒वं

वे॒दा॒थो॑ दे॒वता॑भ्य ए॒व य॒ज्ञे सँ॒विदं॑ दधाति॒ तस्मा॑दिद॒-म॒न्यो॑ऽन्यस्मै॒

() दधाति । 33

7.2.8.7 - Padam

अ॒हः । तस्मि॑न् । ऐ॒न्द्रवा॑यव इत्यै॑न्द्र - वा॒यवः॑ । गृ॒ह्यते॑ । तस्मा॑त् ।

ऐ॒न्द्रवा॑यवस्यै॑त्यै॑न्द्र - वा॒यव॑स्य । आ॒यत॑न इत्या॑-यत॑ने । स॒प्तमे॑ ।

अ॒हन् । शु॒क्रः । गृ॒ह्यते॑ । आ॒ग्रय॑णस्य । वै । ए॒तत् । आ॒यत॑नमि॒त्या

-य॑तनम् । यत् । ष॒ष्ठम् । अ॒हः । तस्मि॑न् । शु॒क्रः । गृ॒ह्यते॑ ।

तस्मा॑त् । शु॒क्रस्य॑ । आ॒यत॑न इत्या॑ - यत॑ने । अ॒ष्टमे॑ । अ॒हन् ।

आ॒ग्रय॑णः । गृ॒ह्यते॑ । छ॒न्दा॑सि । ए॒व । तत् । वी॒ति । वा॒हय॑ति ।

प्रे॒ति । व॒स्यसः॑ । वि॒वाह॑मिति वि॒-वा॑हम् । आ॒प्नो॑ति । यः । ए॒वम् ।

वे॒द । अ॒थो इति॑ । दे॒वता॑भ्यः । ए॒व । य॒ज्ञे । सँ॒विदमि॑ति

सं - वि॒दम् । दधा॑ति । तस्मा॑त् । इ॒दम् । अ॒न्यः । अ॒न्यस्मै॑ () ।

द॒दाति॑ । 33 (51) (ए॒तद्वै - प॒ञ्चमे॑ऽह॒न् - त्रै॒ष्टुभ॑ - ए॒तद् - गृ॒ह्यते॑

य॒ज्ञस्य॑ - प॒ञ्चम॑ - म॒न्यस्मा॑ - ए॒कञ्च॑) (A8)

7.2.9.1

प्रजापतिरकामयत प्र जायेयेति स एतं द्वादशरात्रमपश्यत् तमाऽहरत्
तेनायजत ततो वै स प्राजायत यः कामयेत प्र जायेयेति स
द्वादशरात्रेण यजेत प्रैव जायते ब्रह्मवादिनो वदन्त्यग्निष्टोमप्रायणा यज्ञा
अथ कस्मादतिरात्रः पूर्वः प्र युज्यत इति चक्षुषी वा एते यज्ञस्य
यदतिरात्रौ कनीनिके अग्निष्टोमौ य – [] 34

7.2.9.1 - Padam

प्रजापतिरिति प्रजा – पतिः । अकामयत । प्रेति । जायेय । इति ।
सः । एतम् । द्वादशरात्रमिति द्वादश – रात्रम् । अपश्यत् । तम् ।
एति । अहरत् । तेन । अयजत । ततः । वै । सः । प्रेति । अजायत ।
यः । कामयेत । प्रेति । जायेय । इति । सः । द्वादशरात्रेणेति
द्वादश – रात्रेण । यजेत । प्रेति । एव । जायते । ब्रह्मवादिन इति
ब्रह्म-वादिनः । वदन्ति । अग्निष्टोमप्रायणा इत्यग्निष्टोम – प्रायणाः ।
यज्ञाः । अथ । कस्मात् । अतिरात्र इत्यति – रात्रः । पूर्वः । प्रेति ।
युज्यते । इति । चक्षुषी इति । वै । एते इति । यज्ञस्य । यत् ।

अति॑रात्रा॒वित्य॑ति – रा॒त्रौ । क॒नी॒नि॒के॒ इति॑ ।

अ॒ग्नि॒ष्टो॒मा॒वित्य॑ग्नि- स्तो॒मौ । यत् । 34 (50)

7.2.9.2

-द॒ग्नि॒ष्टो॒मं पूर्वं॑ प्र॒युज्जी॒रन् ब॒हिर्धा॑ क॒नी॒नि॒के॒ द॒ध्यु॒स्तस्मा॑दति॒रात्रः॑

पूर्वः॑ प्र॒ युज्य॑ते चक्षु॒षी ए॒व य॒ज्ञे धि॒त्वा म॒ध्यतः॑ क॒नी॒नि॒के॒ प्रति॑

द॒धति॑ यो वै गाय॒त्रीं ज्योतिः॑ पक्षां॒ वेद॑ ज्योति॒षा भा॒सा सु॒वर्गं॑

लोक॑मेति॒ याव॑ग्नि॒ष्टो॒मौ तौ प॒क्षौ येऽन्त॑रेऽष्टावु॒क्थ्याः॑ स आ॒त्मैषा॑ वै

गाय॒त्री ज्योतिः॑ पक्षा॒ य ए॒वं वेद॑ ज्योति॒षा भा॒सा सु॒वर्गं॑

लोक - [] 35

7.2.9.2 - Padam

अ॒ग्नि॒ष्टो॒ममि॑त्य॒ग्नि-स्तो॒मम् । पूर्वं॑ । प्र॒युज्जी॒रन्निति॑ प्र-यु॒ज्जी॒रन् ।

ब॒हिर्धे॑ति ब॒हिः - धा । क॒नी॒नि॒के॒ इति॑ । द॒ध्युः । तस्मा॑त् । अति॒रात्र

इत्य॑ति - रा॒त्रः । पूर्वं॑ । प्रेति॑ । युज्य॑ते । चक्षु॒षी इति॑ । ए॒व । य॒ज्ञे ।

धि॒त्वा । म॒ध्यतः॑ । क॒नी॒नि॒के॒ इति॑ । प्रतीति॑ । द॒धति॑ । यः । वै ।

गाय॒त्रीम् । ज्योतिः॑ पक्षा॒मिति॑ ज्योतिः॑ - पक्षा॒म् । वेद॑ । ज्योति॒षा ।

भा॒सा । सु॒व॒र्गमि॑ति सु॒वः – ग॒म् । लो॒क॒म् । ए॒ति । यौ ।
अ॒ग्नि॒ष्टो॒मावि॑त्यग्नि – स्तो॒मौ । तौ । प॒क्षौ । ये । अ॒न्त॒रे । अ॒ष्टौ ।
॥
उ॒क्थ्याः । सः । आ॒त्मा । ए॒षा । वै । गा॒य॒त्री । ज्यो॑तिः प॒क्षे॑ति
ज्यो॑तिः – प॒क्षा । यः । ए॒व॒म् । वे॒द । ज्यो॑तिषा । भा॒सा ।
सु॒व॒र्गमि॑ति सु॒वः – ग॒म् । लो॒क॒म् । 35 (50)

7.2.9.3

–मे॑ति प्र॒जाप॑तिर्वा ए॒ष द्वा॑द॒श॒धा वि॑हि॒तो यद् द्वा॑द॒श॒रा॒त्रो या॑वतिरा॒त्रो
तौ प॒क्षौ येऽन्त॑रेऽष्टा॒वु॒क्थ्याः स आ॒त्मा प्र॒जाप॑तिर्वा॒वैष स॑न्थ्स॒द्ध
वै स॒त्रेण॑ स्पृ॒णोति॑ प्रा॒णा वै स॒त् प्रा॒णाने॑व स्पृ॒णोति॑ सर्वा॒सां वा॑ ए॒ते
प्र॒जानां॑ प्रा॒णैरा॑सते ये स॒त्रमा॑सते तस्मा॑त् पृ॒च्छन्ति॑ कि॒मे॒ते स॒त्रिण॑
इति॑ प्रि॒यः प्र॒जाना॑ () मु॒त्थि॑तो भवति॒ य ए॒वं वे॒द । 36

7.2.9.3 - Padam

ए॒ति । प्र॒जाप॑तिरि॒ति प्र॒जा – प॒तिः । वै । ए॒षः । द्वा॒द॒श॒धे॑ति
द्वा॒द॒श – धा । वि॒हित॑ इति वि – हि॒तः । यत् । द्वा॒द॒श॒रा॒त्र इति॑
द्वा॒द॒श – रा॒त्रः । यौ । अ॒ति॒रा॒त्रावि॑त्यति – रा॒त्रौ । तौ । प॒क्षौ । ये ।

अ॒न्त॒रे । अ॒ष्टौ । उ॒क्थ्याः॑ । सः । आ॒त्मा । प्र॒जाप॑तिरिति प्र॒जा-प॑तिः ।
वाव । ए॒षः । स॒न् । स॒त् । ह । वै । स॒त्रेण॑ । स्पृ॒णोति॑ । प्रा॒णा इति॑
प्र - अ॒नाः । वै । स॒त् । प्रा॒णानि॑ति प्र - अ॒नान् । ए॒व । स्पृ॒णोति॑ ।
स॒र्वा॒साम् । वै । ए॒ते । प्र॒जाना॑मिति प्र - जा॒नाम् । प्रा॒णैरिति॑
प्र - अ॒नैः । आ॒सते॑ । ये । स॒त्रम् । आ॒सते॑ । तस्मा॑त् । पृ॒च्छन्ति॑ ।
किम् । ए॒ते । स॒त्रिणः॑ । इति॑ । प्रि॒यः । प्र॒जाना॑मिति प्र-जा॒नाम् () ।
उ॒त्थित॑ इत्युत् - स्थि॒तः । भ॒वति॑ । यः । ए॒वम् । वे॒द । 36 (55)

(अ॒ग्नि॒ष्टोमौ॑ यथ् - सु॒वर्गं॑ लो॒कं - प्रि॒यः प्र॒जानां॑ -
पञ्च॑ च) (A9)

7.2.10.1

न वा ए॒षोऽन्य॑तो वै॒श्वान॑रः सु॒वर्गा॑य लो॒काय॑ प्रा॒भव॑दूर्ध्वो ह वा ए॒ष
आ॒तत॑ आसीत् ते दे॒वा ए॒तं वै॒श्वान॑रं प॒र्यो॑हन्त् सु॒वर्ग॑स्य लो॒कस्य॑
प्र॒भूत्या॑ ऋ॒तवो॑ वा ए॒तेन॑ प्र॒जाप॑तिमयाजयन् तेष्वा॒र्ध्नो॑दधि तदृ॒ध्नोति॑

ह॒ वा ऋ॒त्वि॒क्षु॒ य॒ एवं॑ वि॒द्वान् द्वा॒द॒शा॒हे॒न॒ यज॑ते ते॒ऽस्मि॒न्नै॒च्छन्त॑ स
र॒स॒म॒ह॒ वस॑न्ताय प्रायच्छ – [] 37

7.2.10.1 - Padam

न । वै । ए॒षः । अ॒न्यतो॑ वै॒श्वान॑र इत्य॒न्यतः॑ – वै॒श्वान॑रः । सु॒व॒र्गाये॑ति
सु॒वः – गा॒य । लो॒काय॑ । प्रेति॑ । अ॒भ॒वत् । ऊ॒र्ध्वः । ह॒ । वै । ए॒षः ।
आ॒त॒त इ॒त्या – त॒तः । आ॒सीत् । ते॒ । दे॒वाः । ए॒तम् । वै॒श्वान॑रम् ।
प॒रीति॑ । औ॒ह॒न् । सु॒व॒र्गस्ये॑ति सु॒वः – ग॒स्य । लो॒कस्य॑ । प्र॒भू॒त्या
इति॑ प्र॒भू॒त्यै । ऋ॒त॒वः । वै । ए॒तेन॑ । प्र॒जाप॑तिमि॒ति प्र॒जाप॑तिम् ।
अ॒याज॑यन् । ते॒षु । आ॒ध्नो॑त् । अ॒धीति॑ । तत् । ऋ॒ध्नो॑ति । ह॒ । वै ।
ऋ॒त्वि॒क्षु॒ । यः । ए॒वम् । वि॒द्वान् । द्वा॒द॒शा॒हे॒नेति॑ द्वा॒द॒श – अ॒हे॒न॒ ।
यज॑ते । ते॒ । अ॒स्मि॒न् । ऐ॒च्छन्त॑ । सः । र॒सम् । अ॒ह॒ । वस॑न्ताय ।
प्रेति॑ । अ॒यच्छ॑त् । 37 (50)

7.2.10.2

द्य॒वं ग्री॒ष्मा॒यौष॑धी॒र्व॒षाभ्यो॑ व्री॒हीञ्छ॑रदे॒ माष॑तिलौ हे॒म॒न्त॑शि॒शिरा॑भ्यां
तेने॒न्द्रं प्र॒जाप॑तिर॒याज॑यत् ततो॑ वा इ॒न्द्र इ॒न्द्रोऽभ॑वत्

तस्मा॑दाहु॑रानु॒जावर॑स्य॒ यज्ञ॑ इति॒ स ह्ये॑तेनाऽग्रेऽय॑जतैष॒ ह वै
कु॒णप॑म॒त्ति यः॒ स॒त्रे प्र॑तिगृ॒ह्णाति॑ पु॒रुष॑कु॒णप॑मश्चकु॒णपं॑ गौ॒र्वा अन्नं॑
ये॒न पा॒त्रेणा॒न्नं बिभ्र॑ति॒ यत् तन्न॑ निर्णे॒निज॑ति॒ ततोऽधि॑ – [] 38

7.2.10.2 - Padam

यव॑म् । ग्री॒ष्माय॑ । ओष॑धीः । व॒र्षाभ्यः॑ । व्री॒हीन् । शर॑दे ।
मा॒षति॑ला॒विति॑ मा॒ष – ति॒लौ । हे॒मन्त॑शि॒शिरा॑भ्यामि॒ति
हे॒मन्त॑ – शि॒शिरा॑भ्याम् । ते॒न । इन्द्र॑म् । प्र॒जाप॑तिरि॒ति प्र॒जा-प॑तिः ।
अ॒याज॑यत् । ततः॑ । वै । इन्द्रः॑ । इन्द्रः॑ । अ॒भव॑त् । तस्मा॑त् ।
आहुः॑ । आ॒नुजा॑वर॒स्येत्या॑नु – जा॒वर॑स्य । य॒ज्ञः । इति॑ । सः । हि ।
ए॒तेन॑ । अ॒ग्रे । अ॒यज॑त । ए॒षः । ह । वै । कु॒णप॑म् । अ॒त्ति । यः ।
स॒त्रे । प्र॑तिगृ॒ह्णातीति॑ प्र॒ति – गृ॒ह्णाति॑ । पु॒रुष॑कु॒णप॑मि॒ति
पु॒रुष॑ – कु॒णप॑म् । अ॒श्वकु॑णपमि॒त्यश्व॑ – कु॒णप॑म् । गौः । वै ।
अ॒न्नम् । ये॒न । पा॒त्रेण॑ । अ॒न्नम् । बिभ्र॑ति । यत् । तत् । न ।
निर्णे॒निज॑तीति॒ निः – ने॑निजति । ततः॑ । अधी॑ति । 38 (50)

7.2.10.3

मलं॑ जा॒यत॑ ए॒क ए॒व य॑जे॒तै॒को हि॑ प्र॒जाप॑ति॒राध्नो॑द् द्वा॒दश॑
रा॒त्रीर्दी॑क्षितः स्याद् द्वा॒दश॑ मा॒साः सँ॑व॒थ्सरः॑ सँ॑व॒थ्सरः॑ प्र॒जाप॑तिः
प्र॒जाप॑ति॒र्वावै॑ष ए॒ष ह॑ त्वै जा॒यते॑ यस्तप॒सोऽधि॑ जा॒यते॑ चतु॒र्धा वा
ए॒तास्ति॒स्रस्ति॒स्रो रा॒त्रयो॑ यद् द्वा॒दशो॑प॒सदो॑ याः प्र॒थमा॑ य॒ज्ञं ता॒भिः
सं भ॑रति॒ या द्वि॒तीया॑ य॒ज्ञं ता॒भिरा॑ र॒भते॑ – [] 39

7.2.10.3 - Padam

मल॑म् । जा॒यते॑ । ए॒कः । ए॒व । य॑जे॒त । ए॒कः । हि॑ । प्र॒जाप॑ति॒रिति॑
प्र॒जा – प॑तिः । आ॒ध्नो॑त् । द्वा॒दश॑ । रा॒त्रीः । दी॒क्षितः॑ । स्या॒त् ।
द्वा॒दश॑ । मा॒साः । सँ॑व॒थ्सर॑ इति॒ सं – व॒थ्सरः॑ । सँ॑व॒थ्सर॑ इति॒
सं – व॒थ्सरः॑ । प्र॒जाप॑ति॒रिति॑ प्र॒जा – प॑तिः ।
प्र॒जाप॑ति॒रिति॑ प्र॒जा – प॑तिः । वा॒व । ए॒षः । ए॒षः । ह॑ । तु॒ । वै ।
जा॒यते॑ । यः । तप॑सः । अधी॑ति । जा॒यते॑ । चतु॒र्थेति॑ चतुः – धा ।
वै । ए॒ताः । ति॒स्रस्ति॒स्र इति॑ ति॒स्रः – ति॒स्रः । रा॒त्रयः॑ । यत् । द्वा॒दश॑ ।

उ॒प॒स॒द इ॒त्यु॒प – स॒दः । याः । प्र॒थ॒माः । य॒ज्ञ॒म् । ता॒भिः । स॒मि॒ति ।
भ॒र॒ति । याः । द्वि॒ती॒याः ॥ य॒ज्ञ॒म् । ता॒भिः । ए॒ति । र॒भ॒ते । 39 (50)

7.2.10.4

या॒स्तृ॒ती॒याः पा॒त्रा॒णि ता॒भिर्नि॒र्णे॒निके॒ याश्च॑तु॒र्थी॒रपि॒ ता॒भि॒रा॒त्मा॒न॒मन्त॒रतः॑
शु॒न्ध॒ते यो॒ वा अ॒स्य प॒शु॒म॒त्ति मा॒ꣳस॒ꣳ सौ॒ꣳत्ति यः पु॒रो॒डा॒शं
म॒स्ति॒ष्कꣳ स यः परि॒वा॒पं पु॒री॒षꣳ स य आ॒ज्यं म॒ज्जा॒नꣳ स यः
सो॒मꣳ स्वे॒दꣳ सो॒ꣳपि ह॒ वा अ॒स्य शी॒र्ष॒ण्या नि॒ष्य॒दः प्र॒ति गृ॒ह्णा॒ति
यो द्वा॒द॒शा॒हे प्र॒तिगृ॒ह्णा॒ति तस्मा॑द् द्वा॒द॒शा॒हेन॒ () न या॒ज्यं पा॒प्म॒नो
व्यावृ॑त्यै । 40

7.2.10.4 - Padam

याः । तृ॒ती॒याः ॥ पा॒त्रा॒णि । ता॒भिः । नि॒रि॒ति । ने॒निके॒ । याः ।
च॒तु॒र्थीः । अ॒पी॒ति । ता॒भिः । आ॒त्मा॒न॒म् । अ॒न्त॒र॒तः ॥ शु॒न्ध॒ते । यः ।
वै । अ॒स्य । प॒शु॒म् । अ॒त्ति । मा॒ꣳस॒म् । सः । अ॒त्ति । यः ।
पु॒रो॒डा॒श॒म् ॥ म॒स्ति॒ष्क॒म् ॥ सः । यः । परि॒वा॒प॒मि॒ति परि – वा॒प॒म् ।
पु॒री॒ष॒म् । सः । यः । आ॒ज्य॒म् ॥ म॒ज्जा॒न॒म् ॥ सः । यः । सो॒म॒म् ॥

स्वे॑दम् । सः । अपी॑ति । ह । वै । अस्य॑ । शी॒र्ष॒ण्याः॑ । नि॒ष्प॒द इति॑
 निः – प॒दः । प्र॒तीति॑ । गृ॒ह्णा॒ति । यः । द्वा॒द॒शा॒ह इति॑ द्वा॒द॒श-अ॒हे ।
 प्र॒ति॒गृ॒ह्णा॒तीति॑ प्र॒ति – गृ॒ह्णा॒ति । तस्मा॑त् । द्वा॒द॒शा॒हे॒नेति॑ द्वा॒द॒श
 – अ॒हेन॑() । न । या॒ज्यम् । पा॒प्म॒नः । व्या॒वृ॒त्त्या इति॑
 वि – आ॒वृ॒त्त्यै । 40 (54)

(अ॒य॒च्छ – दधि॑ – र॒भते॑ – द्वा॒द॒शा॒हे॒न – च॒त्वा॒रि च) (A10)

7.2.11.1

ए॒कस्मै॑ स्वा॒हा द्वा॒भ्या॑ स्वा॒हा त्रि॒भ्यः॑ स्वा॒हा च॒तु॒र्भ्यः॑ स्वा॒हा
 प॒ञ्च॒भ्यः॑ स्वा॒हा ष॒ड्भ्यः॑ स्वा॒हा स॒प्त॒भ्यः॑ स्वा॒हा ऽष्टा॒भ्यः॑ स्वा॒हा
 न॒व॒भ्यः॑ स्वा॒हा द॒श॒भ्यः॑ स्वा॒है – का॒द॒श॒भ्यः॑ स्वा॒हा द्वा॒द॒श॒भ्यः॑
 स्वा॒हा त्रयो॑द॒श॒भ्यः॑ स्वा॒हा च॒तु॒र्द॒श॒भ्यः॑ स्वा॒हा प॒ञ्च॒द॒श॒भ्यः॑ स्वा॒हा
 षो॒ड॒श॒भ्यः॑ स्वा॒हा स॒प्त॒द॒श॒भ्यः॑ स्वा॒हा ऽष्टा॒द॒श॒भ्यः॑ स्वा॒है – का॒न्न
 वि॒ंश॒त्यै॑ स्वा॒हा न॒ववि॑ंश॒त्यै॑ स्वा॒है – का॒न्न च॒त्वा॒रि॒ंश॒ते॑ स्वा॒हा
 न॒वच॒त्वा॒रि॒ंश॒ते॑ स्वा॒है – का॒न्न () ष॒ष्ट्यै॑ स्वा॒हा न॒वष॒ष्ट्यै॑ स्वा॒है –

कान्ना॑शीत्यै॒ स्वाहा॑ नवा॑शीत्यै॒ स्वाहै॑कान्न॒ शताय॑ स्वाहा॑ शताय॑
स्वाहा॑ द्वाभ्या॑ञ् शताभ्या॑ञ् स्वाहा॑ सर्व॑स्मै॒ स्वाहा॑ । 41

7.2.11.1 - Padam

एक॑स्मै । स्वाहा॑ । द्वाभ्या॑म् । स्वाहा॑ । त्रि॑भ्य इति॑ त्रि – भ्यः ।
स्वाहा॑ । चतु॑र्भ्य इति॑ चतुः – भ्यः । स्वाहा॑ । पञ्च॑भ्य इति॑
पञ्च – भ्यः । स्वाहा॑ । षड्॑भ्य इति॑ षट् – भ्यः । स्वाहा॑ । सप्त॑भ्य
इति॑ सप्त – भ्यः । स्वाहा॑ । अष्टा॑भ्यः । स्वाहा॑ । नव॑भ्य इति॑
नव – भ्यः । स्वाहा॑ । दश॑भ्य इति॑ दश – भ्यः । स्वाहा॑ ।
एका॑दशभ्य इत्ये॑कादश – भ्यः । स्वाहा॑ । द्वा॑दशभ्य इति॑
द्वादश – भ्यः । स्वाहा॑ । त्रयो॑दशभ्य इति॑ त्रयोदश – भ्यः । स्वाहा॑ ।
चतु॑र्दशभ्य इति॑ चतुर्दश – भ्यः । स्वाहा॑ ।
पञ्च॑दशभ्य इति॑ पञ्चदश – भ्यः । स्वाहा॑ । षोड॑शभ्य इति॑ षोडश
– भ्यः । स्वाहा॑ । सप्त॑दशभ्य इति॑ सप्तदश – भ्यः । स्वाहा॑ ।
अष्टा॑दशभ्य इत्यष्टा॑दश – भ्यः । स्वाहा॑ । एका॑त् । न । वि॑ञ्शत्यै॒ ।

स्वाहा॑ । न॒ववि॑ञ्शत्या॒ इति॑ न॒व – वि॑ञ्शत्यै॒ । स्वाहा॑ । ए॒कात् ।
 न । च॒त्वारि॑ञ्शते॒ । स्वाहा॑ । न॒वच॑त्वारि॑ञ्शत॒ इति॑
 न॒व – च॑त्वारि॑ञ्शते॒ । स्वाहा॑ । ए॒कात् । न () । ष॒ष्ट्यै॒ । स्वाहा॑ ।
 न॒वष॑ष्ट्या॒ इति॑ न॒व – ष॒ष्ट्यै॒ । स्वाहा॑ । ए॒कात् । न । अ॒शीत्यै॒ ।
 स्वाहा॑ । न॒वाशी॑त्या॒ इति॑ न॒व – अ॒शीत्यै॒ । स्वाहा॑ । ए॒कात् । न ।
 श॒ताय॑ । स्वाहा॑ । श॒ताय॑ । स्वाहा॑ । द्वा॒भ्याम् । श॒ताभ्या॑म् । स्वाहा॑ ।
 स॒र्वस्मै॑ । स्वाहा॑ । 41 (71)

(न॒वच॑त्वारि॑ञ्शते॒ स्वाहा॑कान्नै॒ – क॒वि॑ञ्शतिश्च) (A11)

7.2.12.1

ए॒कस्मै॑ स्वाहा॑ त्रि॒भ्यः॑ स्वाहा॑ पञ्च॒भ्यः॑ स्वाहा॑ सप्त॒भ्यः॑ स्वाहा॑
 न॒वभ्यः॑ स्वाहा॑ – का॒दश॑भ्यः॑ स्वाहा॑ त्रयो॒दश॑भ्यः॑ स्वाहा॑ पञ्च॒दश॑भ्यः॑
 स्वाहा॑ सप्त॒दश॑भ्यः॑ स्वाहा॑कान्न॒ वि॑ञ्शत्यै॒ स्वाहा॑ न॒ववि॑ञ्शत्यै॒
 स्वाहा॑कान्न॒ च॒त्वारि॑ञ्शते॒ स्वाहा॑ न॒वच॑त्वारि॑ञ्शते॒ स्वाहा॑कान्न॒ ष॒ष्ट्यै॒
 स्वाहा॑ न॒वष॑ष्ट्यै॒ स्वाहा॑कान्ना॒ शी॒त्यै॒ स्वाहा॑ न॒वाशी॑त्यै॒ स्वाहा॑कान्न॒

श॒ताय॒ स्वा॒हा॒ श॒ताय॒ स्वा॒हा॒ सर्व॑स्मै॒ स्वा॒हा॒ ॥ 42

7.2.12.1 - Padam

ए॒कस्मै॑ । स्वा॒हा॒ । त्रि॒भ्य इति॑ त्रि – भ्यः । स्वा॒हा॒ । पञ्च॑भ्य इति॑
पञ्च – भ्यः । स्वा॒हा॒ । सप्त॑भ्य इति॑ सप्त – भ्यः । स्वा॒हा॒ ।
नव॑भ्य इति॑ नव – भ्यः । स्वा॒हा॒ । ए॒काद॑शभ्य इत्ये॒काद॑श-भ्यः ।
स्वा॒हा॒ । त्रयो॑दशभ्य इति॑ त्रयो॑दश – भ्यः । स्वा॒हा॒ ।
पञ्च॑दशभ्य इति॑ पञ्च॑दश – भ्यः । स्वा॒हा॒ । सप्त॑दशभ्य इति॑
सप्त॑दश – भ्यः । स्वा॒हा॒ । ए॒कात् । न । वि॒ंश॑त्यै । स्वा॒हा॒ ।
नव॑वि॒ंश॑त्या इति॑ नव – वि॒ंश॑त्यै । स्वा॒हा॒ । ए॒कात् । न ।
च॒त्वारि॑ंशते॒ । स्वा॒हा॒ । नव॑च॒त्वारि॑ंशत इति॑ नव-च॒त्वारि॑ंशते॒ ।
स्वा॒हा॒ । ए॒कात् । न । ष॒ष्ट्यै । स्वा॒हा॒ । नव॑ष॒ष्ट्या इति॑ नव-ष॒ष्ट्यै ।
स्वा॒हा॒ । ए॒कात् । न । अ॒शीत्यै॑ । स्वा॒हा॒ । नवा॑शीत्या इति॑
नव – अ॒शीत्यै॑ । स्वा॒हा॒ । ए॒कात् । न । श॒ताय॒ । स्वा॒हा॒ । श॒ताय॒ ।
स्वा॒हा॒ । सर्व॑स्मै॒ । स्वा॒हा॒ । 42 (50)

(एकस्मै त्रिभ्यः – पञ्चाशत्) (A12)

7.2.13.1

द्वाभ्या॑ स्वाहा॑ चतुर्भ्यः॑ स्वाहा॑ षड्भ्यः॑ स्वाहा॑ ऽष्टाभ्यः॑ स्वाहा॑
दशभ्यः॑ स्वाहा॑ द्वादशभ्यः॑ स्वाहा॑ चतुर्दशभ्यः॑ स्वाहा॑
षोडशभ्यः॑ स्वाहा॑ ऽष्टादशभ्यः॑ स्वाहा॑ विंशत्यै॑ स्वाहा॑ ऽष्टानवत्यै॑
स्वाहा॑ शताय॑ स्वाहा॑ सर्वस्मै॑ स्वाहा॑ । 43

7.2.13.1 - Padam

द्वाभ्याम् । स्वाहा । चतुर्भ्य इति चतुः – भ्यः । स्वाहा । षड्भ्य इति
षट् – भ्यः । स्वाहा । अष्टाभ्यः । स्वाहा । दशभ्य इति दश – भ्यः ।
स्वाहा । द्वादशभ्य इति द्वादश – भ्यः । स्वाहा । चतुर्दशभ्य इति
चतुर्दश – भ्यः । स्वाहा । षोडशभ्य इति षोडश – भ्यः । स्वाहा ।
अष्टादशभ्य इत्यष्टादश – भ्यः । स्वाहा । विंशत्यै । स्वाहा ।
अष्टानवत्या इत्यष्टा – नवत्यै । स्वाहा । शताय । स्वाहा । सर्वस्मै ।
स्वाहा । 43 (26) (द्वाभ्यामष्टानवत्यै – षड्विंशतिः) (A13)

7.2.14.1

त्रि॒भ्यः॑ स्वा॒हा पञ्च॑भ्यः स्वा॒हा सप्त॑भ्यः स्वा॒हा नव॑भ्यः स्वा॒है-
 का॒दश॑भ्यः स्वा॒हा त्रयो॑दशभ्यः स्वा॒हा पञ्च॑दशभ्यः स्वा॒हा
 सप्त॑दशभ्यः स्वा॒हैकान्न॑ वि॒ंशत्यै॑ स्वा॒हा नव॑वि॒ंशत्यै॑ स्वा॒हैकान्न॑
 च॒त्वारि॑ंशते स्वा॒हा नव॑च॒त्वारि॑ंशते स्वा॒हैकान्न॑ ष॒ष्ठ्यै स्वा॒हा
 नव॑ष॒ष्ठ्यै स्वा॒हैकान्ना ऽशीत्यै॑ स्वा॒हा नवा॑शीत्यै स्वा॒हैकान्न॑ श॒ताय॑
 स्वा॒हा श॒ताय॑ स्वा॒हा सर्व॑स्मै स्वा॒हा । 44

7.2.14.1 - Padam

त्रि॒भ्य इति॑ त्रि - भ्यः । स्वा॒हा । पञ्च॑भ्य इति॑ पञ्च - भ्यः ।
 स्वा॒हा । सप्त॑भ्य इति॑ सप्त - भ्यः । स्वा॒हा । नव॑भ्य इति॑ नव - भ्यः ।
 स्वा॒हा । ए॒कादश॑भ्य इत्ये॒कादश॑ - भ्यः । स्वा॒हा । त्रयो॑दशभ्य इति॑
 त्रयो॑दश - भ्यः । स्वा॒हा । पञ्च॑दशभ्य इति॑ पञ्चदश - भ्यः ।
 स्वा॒हा । सप्त॑दशभ्य इति॑ सप्तदश - भ्यः । स्वा॒हा । ए॒कात् । न ।
 वि॒ंशत्यै॑ । स्वा॒हा । नव॑वि॒ंशत्या इति॑ नव - वि॒ंशत्यै॑ । स्वा॒हा ।
 ए॒कात् । न । च॒त्वारि॑ंशते । स्वा॒हा । नव॑च॒त्वारि॑ंशत इति॑

न॒व – च॒त्वारि॒ंश॒ते । स्वा॒हा ॥ ए॒कात् । न । ष॒ष्ठ्यै । स्वा॒हा ॥
 न॒वष॒ष्ठ्या इति॑ न॒व – ष॒ष्ठ्यै । स्वा॒हा ॥ ए॒कात् । न । अ॒शीत्यै ।
 स्वा॒हा ॥ न॒वाशी॒त्या इति॑ न॒व – अ॒शीत्यै । स्वा॒हा ॥ ए॒कात् । न ।
 श॒ताय॑ । स्वा॒हा ॥ श॒ताय॑ । स्वा॒हा ॥ स॒र्वस्मै॑ । स्वा॒हा ॥ 44 (48)

(त्रि॒भ्यो – ऽष्टा॒चत्वारि॒ंशत्) (A14)

7.2.15.1

च॒तुर्भ्यः॑ स्वा॒हा ॥ ऽष्टा॒भ्यः स्वा॒हा ॥ द्वा॒दश॒भ्यः स्वा॒हा ॥ षोड॒शभ्यः॑ स्वा॒हा ॥
 वि॒ंश॒त्यै स्वा॒हा ॥ षण्ण॑व॒त्यै स्वा॒हा ॥ श॒ताय॑ स्वा॒हा ॥ स॒र्वस्मै॑ स्वा॒हा ॥ 45

7.2.15.1 - Padam

च॒तुर्भ्यः॑ इति॑ च॒तुः – भ्यः॑ । स्वा॒हा ॥ अ॒ष्टाभ्यः॑ । स्वा॒हा ॥ द्वा॒दश॒भ्यः॑
 इति॑ द्वा॒दश – भ्यः॑ । स्वा॒हा ॥ षोड॒शभ्यः॑ इति॑ षोड॒श – भ्यः॑ ।
 स्वा॒हा ॥ वि॒ंश॒त्यै । स्वा॒हा ॥ षण्ण॑व॒त्या इति॑ षट्-न॒वत्यै॑ । स्वा॒हा ॥
 श॒ताय॑ । स्वा॒हा ॥ स॒र्वस्मै॑ । स्वा॒हा ॥ 45 (16)

(च॒तुर्भ्यः॑ षण्ण॑व॒त्यै – षोड॒श) (A15)

7.2.16.1

पञ्चभ्यः स्वाहा दशभ्यः स्वाहा पञ्चदशभ्यः स्वाहा विंशत्यै
स्वाहा पञ्चनवत्यै स्वाहा शताय स्वाहा सर्वस्मै स्वाहा । 46

7.2.16.1 - Padam

पञ्चभ्य इति पञ्च – भ्यः । स्वाहा ॥ दशभ्य इति दश – भ्यः ।
स्वाहा ॥ पञ्चदशभ्य इति पञ्चदश – भ्यः । स्वाहा ॥ विंशत्यै ।
स्वाहा ॥ पञ्चनवत्या इति पञ्च – नवत्यै । स्वाहा ॥ शताय ।
स्वाहा ॥ सर्वस्मै । स्वाहा ॥ 46 (14)

(पञ्चभ्यः पञ्चनवत्यै – चतुर्दश) (A16)

7.2.17.1

दशभ्यः स्वाहा विंशत्यै स्वाहा त्रिंशते स्वाहा चत्वारिंशते
स्वाहा पञ्चाशते स्वाहा षष्ट्यै स्वाहा सप्तत्यै स्वाहा ऽशीत्यै स्वाहा
नवत्यै स्वाहा शताय स्वाहा सर्वस्मै स्वाहा । 47

7.2.17.1 - Padam

दशभ्य इति दश – भ्यः । स्वाहा ॥ विंशत्यै । स्वाहा ॥ त्रिंशते ।
स्वाहा ॥ चत्वारिंशते । स्वाहा ॥ पञ्चाशते । स्वाहा ॥ षष्ट्यै ।

स्वाहा॑ । सप्त॒त्यै॑ । स्वाहा॑ । अशी॒त्यै॑ । स्वाहा॑ । नव॒त्यै॑ । स्वाहा॑ ।
शता॒य॑ । स्वाहा॑ । सर्व॒स्मै॑ । स्वाहा॑ । 47 (22)

(दश॒भ्यो - द्वाविं॑शतिः) (A17)

7.2.18.1

विं॒शत्यै॑ स्वाहा॑ चत्वारि॑ंशते॒ स्वाहा॑ षष्ठ्यै॑ स्वाहा॑ ऽशी॒त्यै॑ स्वाहा॑
शता॒य॑ स्वाहा॑ सर्व॒स्मै॑ स्वाहा॑ । 48

7.2.18.1 - Padam

विं॒शत्यै॑ । स्वाहा॑ । चत्वारि॑ंशते॒ । स्वाहा॑ । षष्ठ्यै॑ । स्वाहा॑ ।
अशी॒त्यै॑ । स्वाहा॑ । शता॒य॑ । स्वाहा॑ । सर्व॒स्मै॑ । स्वाहा॑ । 48 (12)

(विं॒शत्यै - द्वाद॑श) (A18)

7.2.19.1

पञ्चा॒शते॑ स्वाहा॑ शता॒य॑ स्वाहा॑ द्वाभ्यां॑ शताभ्यां॑ स्वाहा॑ त्रि॒भ्यः॑
शते॒भ्यः॑ स्वाहा॑ चतु॒र्भ्यः॑ शते॒भ्यः॑ स्वाहा॑ पञ्च॒भ्यः॑ शते॒भ्यः॑ स्वाहा॑
षड्॒भ्यः॑ शते॒भ्यः॑ स्वाहा॑ सप्त॒भ्यः॑ शते॒भ्यः॑ स्वाहा॑ ऽष्टा॒भ्यः॑ शते॒भ्यः॑
स्वाहा॑ नव॒भ्यः॑ शते॒भ्यः॑ स्वाहा॑ सह॒स्राय॑ स्वाहा॑ सर्व॒स्मै॑ स्वाहा॑ । 49

7.2.19.1 - Padam

पञ्चा॒श॒ते॒ । स्वा॒हा । श॒ताय॑ । स्वा॒हा । द्वा॒भ्याम् । श॒ताभ्या॑म् ।
 स्वा॒हा । त्रि॒भ्य इति॑ त्रि – भ्यः । श॒तेभ्यः॑ । स्वा॒हा । च॒तु॒र्भ्य॑
 इति॑ च॒तुः – भ्यः । श॒तेभ्यः॑ । स्वा॒हा । पञ्च॒भ्य इति॑ पञ्च–भ्यः ।
 श॒तेभ्यः॑ । स्वा॒हा । ष॒ड्भ्य इति॑ षट्– भ्यः । श॒तेभ्यः॑ । स्वा॒हा ।
 स॒प्तभ्य॑ इति॑ स॒प्त–भ्यः । श॒तेभ्यः॑ । स्वा॒हा । अ॒ष्टाभ्यः॑ । श॒तेभ्यः॑ ।
 स्वा॒हा । न॒वभ्य॑ इति॑ न॒व – भ्यः । श॒तेभ्यः॑ । स्वा॒हा । स॒हस्रा॑य ।
 स्वा॒हा । स॒र्वस्मै॑ । स्वा॒हा । 49 (32)

(पञ्चा॒श॒ते – द्वा॒त्रिं॑शत्) (A19)

7.2.20.1

श॒ताय॑ स्वा॒हा स॒हस्रा॑य स्वा॒हा ज्यु॒ताय॑ स्वा॒हा नि॒युता॑य स्वा॒हा
 प्र॒युता॑य स्वा॒हा ज॒र्बुदा॑य स्वा॒हा न्य॒र्बुदा॑य स्वा॒हा स॒मुद्रा॑य स्वा॒हा
 म॒ध्याय॑ स्वा॒हा ज॒न्ताय॑ स्वा॒हा प॒रार्धा॑य स्वा॒होष॑से स्वा॒हा व्यु॑ष्ट्यै

स्वा॒हो॒दे॒ष्यते॑ स्वा॒हो॒द्यते॑ स्वा॒हो॒दि॒ताय॑ स्वा॒हा सु॒वर्गा॒य स्वा॒हा लो॒काय॑
स्वा॒हा सर्व॑स्मै स्वा॒हा । 50

7.2.20.1 - Padam

श॒ताय॑ । स्वा॒हा । स॒हस्रा॑य । स्वा॒हा । अ॒युता॑य । स्वा॒हा । नि॒युता॑येति॑
नि – यु॒ताय॑ । स्वा॒हा । प्र॒युता॑येति॑ प्र – यु॒ताय॑ । स्वा॒हा । अ॒र्बुदा॑य ।
स्वा॒हा । न्य॒र्बुदा॑येति॑ नि – अ॒र्बुदा॑य । स्वा॒हा । स॒मुद्रा॑य । स्वा॒हा ।
म॒ध्याय॑ । स्वा॒हा । अ॒न्ताय॑ । स्वा॒हा । प॒रार्था॑येति॑ पर – अ॒र्थाय॑ ।
स्वा॒हा । उ॒षसे॑ । स्वा॒हा । व्यु॒ष्ट्या इति॑ वि – उ॒ष्ट्यै । स्वा॒हा ।
उ॒दे॒ष्यत॑ इत्युत् – ए॒ष्यते॑ । स्वा॒हा । उ॒द्यत॑ इत्युत् – य॒ते । स्वा॒हा ।
उ॒दि॒तायेत्युत् – इ॒ताय॑ । स्वा॒हा । सु॒वर्गा॑येति॑ सु॒वः-गा॑य । स्वा॒हा ।
लो॒काय॑ । स्वा॒हा । सर्व॑स्मै । स्वा॒हा । 50 (38)

(श॒ताया-॒ष्टात्रिं॑शत्) (A20)

पद पाठे (वाक्य सहित) – सप्तमकाण्डे – द्वितीयः प्रश्नः

rasna Korvai with starting Padams of 1 to 20 Anuvaakams :-

(सा॒ध्याः ष॒ड् रा॒त्रं – कु॒सु॒रु॒बि॒न्दः स॒प्त॒रा॒त्रं – बृ॒ह॒स्प॒ति॒र॒ष्ट॒रा॒त्रं –
प्र॒जा॒प॒ति॒स्ताः क्षु॒ध॒न्न॒व॒रा॒त्रं – प्र॒जा॒प॒ति॒र॒का॒म॒य॒त द॒श॒हो॒ता॒रा॒त्रं – मृ॒त॒व॒
– ऐ॒न्द्र॒वा॒य॒वा॒ग्रा॒न् – गा॒य॒त्रो वै – प्र॒जा॒प॒तिः स द्वा॒द॒श॒रा॒त्रं – न वा
– ए॒क॒स्मा – ए॒क॒स्मै – द्वा॒भ्यां – त्रि॒भ्यः – च॒तु॒र्भ्यः – प॒ञ्च॒भ्यो –
द॒श॒भ्यो – वि॒ंश॒त्यै – प॒ञ्चा॒श॒ते – श॒ता॒य – वि॒ंश॒तिः)

Korvai with starting Padams of 1, 11, 21 Series of Panchaatis :-

(सा॒ध्या – अ॒स्मा इ॒मे लो॒का – गा॒य॒त्रं – वै तृ॒तीय – मे॒क॒स्मै –
प॒ञ्चा॒श॒त्)

First and Last Padam of Second Prasnam of 7th Kandam

(सा॒ध्याः – सर्व॑स्मै स्वा॒हा)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां पद पाठे

सप्तमकाण्डे द्वितीयः प्रश्नः समाप्तः ॥

पद पाठे (वाक्य सहित) – सप्तमकाण्डे – द्वितीयः प्रश्नः

Details of Panchati and Padam for Kandam 7 – Prasanam 2 – TS 7.2

	Panchati	Padams
Anuvakam 1	4	211
Anuvakam 2	3	142
Anuvakam 3	2	100
Anuvakam 4	3	133
Anuvakam 5	6	281
Anuvakam 6	3	149
Anuvakam 7	5	275
Anuvakam 8	7	351
Anuvakam 9	3	155
Anuvakam 10	4	204
Anuvakam 11	1	71
Anuvakam 12	1	50
Anuvakam 13	1	26
Anuvakam 14	1	48
Anuvakam 15	1	16
Anuvakam 16	1	14
Anuvakam 17	1	22
Anuvakam 18	1	12
Anuvakam 19	1	32

पद पाठे (वाक्य सहित) – सप्तमकाण्डे – द्वितीयः प्रश्नः

Anuvakam 20	1	38
Total →	50	2330

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in